

ΣΚΙΑΔΙΟΦΟΡΗΜΑ

*S I V E*

DE VMBELLÆ GESTATIONE



PAVLLI M. PACIAVDI

CLERICI REGVL. PRESBYTERI

HISTORICI ORDINIS HIEROSOLYMITANI

ΣΚΙΑΔΙΟΦΟΡΗΜΑ

S I V E

DE VMBELLAE GESTATIONE

COMMENTARIVS.



ROMAE cId. Id. cclii.

EX TYPOGRAPHIA PALLADIS

EXCVDEBANT NICOLAVS ET MARCVS PALMARINI

EX PRAESIDVM PERMISSV.

VIVAT . DEO  
QVI . LEGIT . &

# SINGVLORVM CAPITVM BREVIARIA .

ΠΡΟΛΗΨΙΣ . *Commentarii edendi consilium . Allocutio ad Innecium Martinum Caracciolum . Gesta ab eo strenue . Praestantia argumenti , & patritio operis .* Pag. 1

CAP. I. *De Umbellae gestatione in sacris Dionysiacis . Pollucis , Pausaniae , Hesychii , atque Aelianae de ea re testimonia expenduntur . Kunii interpretatio rejicitur . Pompa Alexandriae jussu Philadelphi deducta .* VII

CAP. II. *Monumenta aliquot σκιαδίοφορος in Baccho sacram referentia . Sardonyx nunc primum evulgata . Pictura vasis Tuscanici perperam a Montfauconio explicata . Vetus Lapis ΔΙΟΝΥΣΟΥ ΣΚΙΑΝΘΙ restituatur .* XI

CAP. III. *Judaeos Hellenistas in celebrando Festo σκλωπνυίας multa ab Ethnicorum Bacchanalibus flagitiose adscivisse . Nec tamen omnino credendum Plutarcho , Judaeos se totos Idololatriae devovisse affirmanti . Narrantur ea , quae in Festo Tabernaculi formam habuere Dionysiorum . Nummus Agrippae senioris explicatus . Bacchicam σκιαδίοφορος apud Hebraeos collabente Rep. vere obtinuisse .* XVIII

CAP. IV. *Qua ratione Umbella deportaretur in Eleusiniis Thesmophoriis , ac Panathenaeis religionis ergo . Aristophanis Scholiastes castigatus . Thesmophoria fuisse ἱππὰ ροκρεία . Numisma Juliae Dominae illustratur . ΣΚΙΡΑ apud Athenienses in honorem Minervae Scirader . Umbella in eo festo quorsum elata . Cur illa albi coloris . Suidas parum sibi constans in ejus descriptione .* XXIV

CAP. V. *Umbellam nedum nostra memoria , sed ab ultimis usque temporibus velut insigne & indicium dignitatis habitam fuisse . Id vel maxime apud antiquissimos Persarum Primores . Quid reliquiae Persae . Conradi Stiglizii sententia de Umbellis , Statutis signisve Heroum adpositis . Jus deferendae Umbellae a Senatu P. C. minime irra-*

*irrogatum . Vmbella num tegumentum capitis Despotae , & Procerum Byzantinorum ? Praetoribus juri dicundo an concessa , atque data ?*

XXIX

**CAP. VI.** *Vmbellae in Theatrum penes Romanos advectae . Ex Campanorum lautitia morem profluxisse . Usus Vmbraculorum in Deambulatione . Ovidii , Martialis , Claudiani , & Aristophanis carmina , quae eo adducuntur . Similiter in Peregrinationibus , ac Venatione . Sponii judicium de Mercurii Petafo refellitur . Nummus ΑΙΤΩΛΩΝ quid referat ? Servi Inquilini apud Graecos Vmbellae deferendae additi .*

XXXV

**CAP. VII.** *Vmbellarum usus in Balneo Subdiali . Figurae , & imagines , quibus obducitur extima Etrusci Vasis superficies , partite explicantur . In antica ejusdem facie Vmbella . De Flabellis , & Muscariis opportuna digressio . Vas ipsum oenophorum , & potatorium fuisse . Num Vmbellae usus ab antiquissima Etruscorum gente ad Romanos dimanarit ?*

XL


**CAP. VIII.** *Antiqua Vmbellae forma . Virgis mobilibus contrahi , atque distendi . Testudinatam aliquando fuisse . Albericum , & Anacreontem perperam huc accersiri . Mulierum capilli sic conformati , ut Vmbellae vicem praesent . • Sudaria , Lintea , Vestes ad umbram faciendam arboribus alligata . Foliis Palmae bifidatis Vmbellas confici , sed eae agrestes . Elegantiores omni luxu , & ornatu . Locus Juvenalis ab interpretibus vexatus explicatur .*

XLVII

**CAP. IX.** *De Christiano Vmbellae usu . Vmbella , qua Graecorum Presbyteri , & Diaconi utebantur , teste Simeone Thessalonicensi . Apallarea in Templis Christianorum suspensa . Vmbraculum a Georgio PP. in Basilica Salvatoris appositum . • Dono missum Pippino Regi a Paulo I. Item Alexandro III. & Federico I. Imperator. ab Anconitanis oblatum . Jaspis Episcopum referens equo vectum servo Vmbellifero comitante dilucidatur . Summa BENEDICTI XIV. in antiquitatibus Christianis cognitio , & mira accuratio . De Flabellorum usu in Graeca ac Latina Liturgia perbrevis observatio .*

LIV  
AM-





SEX TARIUS FIGLIN IN MV'S FELIC MASTRILLI PATRIC NOLANI



( I )  
 AMPLISSIMO. AC. NOBILISSIMO. VIRO  
 INNICO. CARACCILO  
 E. MARTINENSIVM. DVCIBVS  
 ARCHIEPISCOPO. CHALCEDONIAE  
 ROMANIQUE. PONTIFICIS. AD. VENETORVM  
 REMPVBLICAM. LEGATO

Π Ρ Ο Λ Η Ξ Ι Σ .



TSI multa in litteratorum moribus atque institutis per injuriam reprehendantur; illud tamen merito culpandum videtur, quum publicae utilitatis obtentu quidpiam edendi spem faciunt, sed opus ita in dies protrahunt, ut diuturna promissi expectatione ferme jam displiceat necdum editus liber, & sinistrae de eo disseminentur praeconceptae opiniones, atque sententiae. Horum me numero accensendum fortasse putabunt, similique in culpa teneri arbitrabuntur, qui quarto ab hinc anno a Viro politiorum litterarum amantissimo A. F. Gorio acceperunt me ex eo usque tempore  
 A ani

animum adiecisse huic lucubrationi conficiendae<sup>a</sup>; vel qui norunt eam quantocius evulgaturum me ipsum fuisse pollicitum<sup>b</sup>. Numquid inclarescendi artificio haec me scripssisse suspensionem injecero<sup>c</sup>? Fidem aliquando divini Numinis concessu, atque munere exsolvere aggredior; tardius quidem quam par erat, sed duae potissimum causae effecerunt, ut longam adeo interposuerim moram, quas nunc candidus edisseram. Opellam jamdiu ad umbilicum, quod ajunt, perduxeram, & figuras quibus exornatur aeri vel buxo incidendas curaveram. At ea tum subit cogitatio praeclarius me facturum; si ea omnia quae italice scripseram latinis mandare litteris instituerem. Verum cunctanter levibusque manibus operam dabam, eoquod nonnisi subcivica, & secundaria tempora ad hanc versionem perraro conferrem. Deinde cogitationem ex animo penitus abjeceram libellum solitarie edendi, ut in ampliori Veterum Monumentorum collectione illi locum darem. Quare tertius jam elabitur annus, ex quo omnem *σκιαδιολογίαν* voluntaria oblivione contriveram.

Sed memoria repetenti mihi beneficia tua INNICE AMPLISSIME, ac meditati quo argumento in omnium oculis defigerem me Tibi & summis officiis, & praestanti tua liberalitate summo opere esse devictum, Commentarium hunc e forulis prodire jussi, eumque tuo nomini inscribere deliberavi. Tanta profecto est tuorum in me meritorum magnitudo, quod si ad referendam gratiam inops ac omnino impar sim, ad praedicandam certe atque habendam nihil praetermittam. Atque id in primis praestandum efficiendumque duxi hoc edito Syntagmate, ut si quid est in me ingenii, & doctrinae, quod sentio quam sit exiguum, id tibi dicarem; nihil enim praeter haec Minervalia suppetunt vires, quo obsequentissimam in Te voluntatem, quum apud animum tuum, tum apud ceteros testatam relinquam. Quod officii genus arbitror haud posse improbari; nam, ut auctor est graecus homo Libanius: qui beneficio affectus est,

eum

<sup>a</sup> *Gorius Musei Guarinacii Monumenta illustrata* (p. xvi. pag. 78. Florentiae 1744.

<sup>b</sup> *Dissertazione sopra una Statua di Mercurio* §. xli. Napoli 1747.

<sup>c</sup> Inter inclarescendi artificia hoc recenset Michael Lillientalio *De Machiavelismo letterario* §. 16, nimirum si quis dives promissa litterati orbis curiositatem excitare gestiat.

( III )

eum honore prosequatur oportet , a quo accepit ; prosequitur autem si quod habet , tribuat . Poeta , inquit ille , hymnum modulatum , dicendi peritus elogium immodulata , solutaque oratione refert <sup>a</sup> . Porro dum tua beneficia mecum ipse reputo , statim ante oculos obversatur pulcherrima temporis illius species & recordatio , quo Venetiis tanta benevolentia ac familiaritate , tantoque studio me complexus es , ut nullum fere domicilium mihi fuerit jucundius aut desiderabilius ; nec ullo umquam tempore consuetudinem vitae , qua tecum adeo oblectabar , ex animo deponam : ac si mihi licet hominis gravissimi , & ornatissimi ( cum quo ceteroquin nullo modo sum comparandus , ) verba usurpare , in Te uno sospitatorem illum nactus sum , quem Antonius Gratianus in Cardinali Comendono fuisse prospereque fuerat adeptus <sup>b</sup> , qui nempe res omnes meas patrocinio suo tutaretur atque foveret .

At si Venetias nomino , ne dum Urbem illam & situ , & descriptione aedificiorum nobilem florentissimamque appello , sed & Rempb. optimis legibus constitutam , quae quum civibus abundet & fama meritorum , & pervagata apud omnes gloria , & rerum gestarum magnitudine clavis , nonnisi summa & ingentia facta in exteris admiratur . Miratur tamen illa in Te NOBILISSIME CARACCIOLE , morum gravitatem , integritatemque multis magnisque rebus spectatam : miratur severitatem facilitati comitatuque adpersam ; munificentiam in dignitate tuenda ; studium pietatis amplificandae ; miraturque adhuc magnificam apparationem adventus tui in Urbem , quem populus singulari hilaritate atque laetitia honestavit . Verum Senatus , quem admodum ait Tullius , princeps salutis , mentisque publicae , altius prospiciens , tuam in negotiis gerundis , expediendisque dexteritatem , diligentiam , prudentiam observavit , coluitque . Quamobrem gravissimam controversiam *de Limitibus Romanae , Venetaeque ditionis constituendis* , & temporis diuturnitate molestatam , & finitimorum dissensionibus implicatam , nec summis conciliatoribus diremptam , tuo veluti iudicio permisit , & Te

A 2

a San-

<sup>d</sup> Tom. II. Orat. XXXI 1. Edit. Morelli Paris 1658.

<sup>e</sup> Descriptis Invita Minerva Tom. II. Flo.

rentiae 1745. Studio opera diligentique doctissimi Hieron. Lagomastini .

( IV )

a Sanctissimo Pontifice BENEDICTO XIV. finium regundorum arbitrum datum volens lubensque suscepit . Cujus muneris procuratione tam sapienter defunctus es , ut Senatus in frequenti concione honorificum & in omne aevum duraturum tibi decreverit monumentum ; scilicet Numisma aureum maximi moduli cudi jussit cum lemmate FINIBUS POSITIS . s. c. quod auspiciatissimam pactionem posteritati designaret , & tui nominis celebritatem immortalitati commendaret <sup>a</sup> . Haec dum Venetiis a Te gerebantur , alii Romae praedicabant expeditiones illas , quas sic complexisti , ut nemo paratior , vigilantior , aut compositior ad negotia perficienda accessisse videatur . Alteram nimirum ad Picientes secus Truentum , qua securitatem , tranquillitatemque abs vectigalium fraudatoribus malis dolis ereptam , popularibus restituisi : alteram in Provincia Patrimonii , finitimisque regionibus , qua Xenodochia pueris puellisque alendis addicta , novis excitatis aedificiis , auctis proveniuntibus , legibus constitutis dedicasti . Ceterum vitam sanctissime & laudatissime transigere , partim difficillimis legationibus obeundis , partim religioni constabiliendae , avita , patria , domestica decora & ornamenta tua sunt , Tibique majorum tuorum exemplis tradita . Patru tui magni INNICI CARDINALIS Antistitis Averfani memoria , & recordatio adhuc in ore omnium praeclara . Qui vir ! quam erga egentes liberalis ! quam sibi in omni vitae actione constans ! quam bonarum in Ecclesiam partium <sup>b</sup> ! Cujus vestigia quum adeo strenue ingressus sis , nihil est tantum quod non Christiana Respublica & praesenti judicio , & reliqui temporis expectatione a Te perfici atque obtineri posse confidat .

Quae quum ita sint , miraberis cur velim , Te maximis occupationibus distentum hujus libelli vacare lectioni , & gravissimam , quae Tibi a Rom. Pont. imposta est , personam tam levi

a Lectissimus atque ornatissimus Comes Ludovicus Flanginius Patritius Venetus , quem honoris & amicitiae causa commemoro , totam hujus passionis historiam recitat in pereruditis notis ad Poemation *Quirami Telpusiaci de laudibus Venetiarum* ; tum sermone recenset generis nobilitatem , virtutesque animi , justitiam ,

pietatem , magnanimitatem , liberalitatemque Innici Caracchioli . V. *advers.* 20. 27. 30. *Venetis* 1750.

b V. *Compendio delle Virtù del Cardinale Innico Caracciolo del Cap. Michele Saggiocca Roma* 1738.

## ( V )

levi momento inclinari , perinde atque ad eam te extimulem , quae in viro gravi reprehendit Synesius ἐπὶ τοῖς οὐδενὸς ἀξίως σπουδάζειν in rebus nullius pretii studium ponere<sup>a</sup>. Equidem non sum nescius studiorum genus hoc nonnullis , hisque paullo asperioribus hominibus exsuccum , & ad nullam partem utile videri : ast Virum te esse scio & magnitudine ingenii praeditum & in liberalissimis , rectisque doctrinis sic versatum , ut de hoc litterarum genere non adeo inique sententiam feras , vel quovis amplissimo homine non dignissimum censeas . Non enim quae fuerit Anchisae nutrix , non patriam nomenque Archemoli quaero , vel quot Alcestes vixerit annos : sed in animo est ea scribendo persequi , quae partem Graeciae feriatiae planam faciant : monumenta reconditiora , atque in tenebris reclusa , proferant , aut saltem ad suas aetates revocent : quibus ritibus vixerint homines antiqui , quid ex his majores nostri acceperint , doceant . Quis autem est , inquit M. Tullius , quem non moveat clarissimis monumentis testata , consignata antiquitas ? Multa etiam mihi sumo illustranda , quae mores & instituta vitae Hebraeorum ac Christianorum patefaciunt . Praeterea argumentum non ita tritum ac pervulgatum esse puto , ut curiosis oculis perspicere non possit . Multi siquidem de Pileo , de Caligis , de Toga , de Pallio , de Anulis , Fibulis , Armillis , deque Cingulis veterum disputarunt ; ac ea omnia , quibus hominum vita regitur , ac sustentatur commentario aliquo illustrarunt : nemo unus , quod sciam , ea , quae de VMBELLIS in antiquis Scriptoribus dissociata atque dispersa sunt , copulavit atque collegit . Quantam vero cupiditatem hominibus injiciat novitas , non Te fugit , DOCTE CARACCIOLE . Quod si paucas adeo pagellas munusculum levidense censebunt alii ad observantiam in Te meam testandam haud satis idoneum ; commovet primo illud quod Callimachus Grammaticus apud Athenaeum : τὸ μέγα Βιβλίον ἴσον ἔλεγεν εἶναι τῷ μεγάλῳ κακῷ . *Ingens volumen ingenti malo simile esse dixit*<sup>b</sup> . Vel muneris exiguitatem excusabo eo effato , quo I. A. Flaminus in nuncupatoriis libellorum suorum persaepe utebatur . Recitabat ille quod de

<sup>a</sup> Epist. LXXI 2. Edit. Petav. Paris : 640. <sup>b</sup> Diogenes. lib. III. Cap. 2. Edit. Casaubon.

( VI )

de Artaxerſe perhibet Plutarchus . Regem hunc potentiſſimum animum offerentis , non munus inſpicere ſolitum \* .

Quoniam vero inter ſcribendum , in eam quam Cicero vim ordinis & collocationis appellat , ſemper incumbo . & quamcumque ἀμείδιαν devito ; diſputabo primum de Feſtis Graecorum , in quibus potiſſimum aderat Vmbella velut ſacra & requiſita ſupellex : quod vel maxime in his quae Baccho dedicata erant uſu veniſſe ex iſtis graecorum libris confirmabo . Occaſione horum dierum , qui Deorum immortalium feſti & ſollemnes cenſebantur , non nihil adjiciam de Feſto Tabernaculorum , in quo Liberi Patris caeremonias , & Vmbellae uſum Judaeos recentiores flagitiſe retinuiſſe docebo . Cereris deinde atque Minervae Sacra Eleuſinia , Theſmophoria , Panathenaea excutiam , propterea quod in his religionis cauſſa Vmbella deferretur . Porro in praeſentia Vmbella dignitatis inſigne cenſetur ; ſed etiam apud Perſas , Romanos , Graecosque obtinuiſſe , teſtibus evincam ; quod paullo latius fundetur , nam Aulæ Conſtantinopolitanae ritus aliquos recensere praeclarum viſum eſt . Vt autem in Theatrum invecſa ſit Vmbella , quo antea , ludos ſub dio ſpectaturi , omnes adveniebant , inſequens capitulum oſtendet . Verum quia praeter ſpectacula , deambulationem , venationemque diligebant veteres , qua ratione Solis aeſtum devitarent , recitabo : deinde Graecorum ſuperbiam & arrogantiam in geſtatione Vmbellae dicendo perſequar , & Servorum inquilinorum genus commemorabo , ex quo Ancillae Vmbelliferae apud latinos . In Balneo quum eſſent antiqui , Vmbella uſos fuiſſe docet Vas antiquum , cujus figuram nunc primum damus : in ejus deſcriptione aliquantum immorabimur , multaque rei domeſticae antiquae illuſtrandae opportuna ex eo evocabimus . Inquiram etiam num mos atque conſuetudo Vmbellae deferendae ſervata fuerit apud Etruſcos , in quorum vaſibus frequens ejus delineatio . Ac ne rerum partitione peccet diſputatio , ex qua materia , quave forma , figuraque conficerentur Vmbellae exponam , & quantopere lauti ,  
ele-

\* *Epistolarum lib. 11. Ep. xlv. Cardinali Grimane, & lib. 111. Epist. xxi. Francisco Beattivolo Edit. Romon.*

( VII )

elegantes, in luxum effusi essent Veteres huic etiam suppellectili apparandae palam fiet. Postremo quum Christiani non Ethnicorum exemplo perciti, sed natura ipsa docente ac magistra, antiquorum populorum mores fuerint imitati, de privilegio Vmbellae deferendae Viris Ecclesiae primoribus irrogato, non pauca scribam, ac Gemmam antiquo artificio factam adjiciam, & cui nam tribuenda sit imago in ea scalpta diligenter expendere non praetermittam. Equidem compertum habeo multa extare antiqui operis monumenta ad Vmbellae formam, atque usum demonstrandum aptissima, quae huic Commentario inferere haud commodum duxi, ne quae jam prodita sunt memoriae ac litteris, repeterem atque iterarem. Paucula potius seligenda & sub adspectum subjicienda censui, nec dum ab aliis in lucem extracta, vel quorum *προτύπων* non semel fueram contemplatus. Cetera quae ediderunt Boissardus, Bellorius, Dempsterus, Montfauconius, Embremayer, suis tantum locis indicabo.

C A P V T P R I M V M.

*De Vmbellae gestatione in sacris Dionysiacis. Pollucis, Pausaniae, Hesychii, Atque Athenaei de ea re testimonia expenduntur.*

*Kunii interpretatio rejicitur. Pompa Alexandriae jussu Philadelphi deducta.*

**N**ON inscite Reinesius *ἀποσδιόρυσσα* esse scribit quae de Dionysio e veterum Theologumenis tradita habemus<sup>a</sup>. Illud tamen firmum & comprehensum video statas sollemnesque fuisse caeremonias Libero Patri addictas & consecratas, quae rato tempore summa religione perficiebantur. Ratum appello tempus festorum Dionysiacorum; enim vero notum id atque testatum ex antiquis Kalendaris apud Romanos *liberalia*. xvi. Kal. Apriles peragi, & *Bacchanalia* aliquando singulis mensibus. Graeci vero, ut ego opinor, Orgia ter celebrabant, nempe primum in agris mense Posideone, deinde mense

<sup>a</sup> *Inscript. Classe 1. num. cxxxiii.*

## ( VIII )

se Lenaeone, tum Elaphebolione. Id etiam moneo, & antedencio, nam ad rem pertinet, Orgia noctu plerumque peracta<sup>a</sup>, quod deinceps ob foedissimae turpitudinis infamiam edicto censuit coercendum Postumius Consul<sup>b</sup>; atque in media Graecia lege perpetua sustulit Diagondas Thebanus<sup>c</sup>. Sed dum Bacchi sacra Orgia nomino, utor comuni vocabulo, non certo atque proprio; nam ut est apud Servium, omnia apud graecos sacra significant, sicut caeremoniae apud latinos<sup>d</sup>. Quae autem *Trieterica* appellabantur, ea puto fuisse pompae plena, quae, alternis annis, omni apparatu, ornatuque celebrabantur, & in quibus ludi sumptuosiores, populi frequentia ac multitudo quammaxima. Interea quum statutum sacrificium Baccho fieret, summa in omni actione superstitio, summumque studium, ne in vulgus profanum arcana dissiparentur, atque manarent<sup>e</sup>. At vereor, ne nimis trita ac proletaria consociare videar, quamquam ita praefari multis de causis necessarium duxerim; quare id nunc mihi sumo dicendum quod instat, nempe in multis Bacchi Festis Umbellam gestari consuevisse, non ad solis fervorem, atque flagrantiam diminuendam; non ad coeli intemperiem devitandam, sed religionis causa; idque testibus planum faciam locupletissimis, quos ex omni antiquitatis memoria excitabo. Horum itaque agmen ducit Pollux, non quidem omnium vetustissimus, sed qui paucis multa complectitur: καὶ τὸ σκιάδιον δὲ εἶναι ἐν χρήσει καὶ σκιάδοφοροί, καὶ σκιάδοφορεῖ. καὶ Σκιάς ὑφ' ἧς ὁ Διόνυσος καθύπαι. καὶ Σκίπρᾳ ἰορτή. *Sed umbraculum usitatum est, ut umbregeruli, & umbraculum gerit, umbraque, sub qua Bacchus resides, & umbratile*  
*Fe-*

<sup>a</sup> De propudiosis hisce pervigiiliis sicut de reliquis Διονύσειον Νυκτιόπαισι ritibus, copiose & erudite hac nostra aetate scripsere Alexander Pannellius de Cistophoris §. 10. & v. c. c. Lugduni 1734. Antonius Rivautella, & Joh. Paullus Nicolvi parte prima Marimorum Taurinensium ibi 1743. Laurentius Begerus de Nummis Cretensium Serpenteriferis Coloniae Marchicae 1702. &c.

<sup>b</sup> Senatus consultum, quo anno v. c. DLXVII. Bacchanalia sublata sunt, & veteri tabula aenea dederat Fabrettus Inscrip. Domest. cap. vi. sed mendis purgatum, egregioque commentario

illustratum Matthaeus Aegyptius; vir summo ingenio & scientiae copia. Neapoli 1729.

<sup>c</sup> Cicero De legibus 11. xv. Meursius lectionum Atticarum lib. 111. cap. xx111. restituentum esse coset Pagondas Edit. Verburgii.

<sup>d</sup> In Aeneid. 10. Paris 1660.

<sup>e</sup> Pausanias Corinthiaca, seu lib. 11. cap. 37. Edit. Wechel 1613. τὰ δὲ ἐς αὐτοῖς Διονύσειον εἰρημνία ἐν νυκτικᾷ τῶν ἑκαστῶν ἐνυχ εἶναι ἢ ἀπαιτῆται δὲ μὴ γράψαι. Quae circa illum (1. quitur de Palude Aleyonia) quot annis libere Patri nocturna sacra sunt, ea mihi nescit scribendo in vulgus effere.



## ( IX )

*Festum* \*. Quodnam autem fuerit umbratile hoc Festum docet Meursius in Graecia Feriata v. ΣΚΙΕΡΙΑ, nempe quod Aleae Arcadiae oppido in honorem Bacchi celebrabatur, tum etiam de Populis Atticae v. ΣΚΙΡΟΝ. Producebatur eo die sollempni indicata supplicatione, populo certatim confluyente, sacrificiis longo ordine incedentibus Liberi Patris simulacrum, pampineis umbratum tempora ramis, carrucae apparatusissimae imponebatur; huicque insidebat adolescentulus e Bacchantium numero, qui Vmbellam deferebat, majestatemque Numinis eo gestu ostenderet ac declararet: Meminit hujus Festi Pausanias in Arcadicis, ubi Aleam Argolici conventus participem describit. *ἔστι τῷ Διονύσῳ ναὸς καὶ ἄγαλμα. τῷ τῷ παραῖτος Σκιερίαν ἱερτὴν ἄγῃσι*. Quae sic censeo latine vertenda: *Est ibi delubrum ac simulacrum Bacchi, in cuius honorem quot annis Festum Vmbaculi agitant* <sup>b</sup>. Sane aberrat a Pausaniae sententia ac narratione Joachimus Kunius dum *παραῖτος σκιερίαν ἱερτὴν ἄγῃσι* sic reddit: *Huic anniversarios dies Festos agitant* <sup>c</sup>, nec satis mirari queo cur id, quod rei caput erat, silentio praeterierit, nempe vocem *σκιερίαν*; nam praeterquamquod peccat ipsa versio, ritus deportandae Vmbellae in Dionysiacis ita proprius & constans maxime apud Graecos, ut inde festi nomen deductum sit; quod vel ipsi Lexicographi vident, atque animadvertunt. quare Hesychius v. Σκιάς in hunc modum interpretatur. *Σκιάς, ἡ ἀναδεδραῖς, καὶ σκιανὴ ὀρεφομένη, καὶ τὸ θολῶδες σκιάδιον ἐν ᾧ ὁ Διόνυσος κάθηται*. *Sciās: vitis arbutiva, & Tentorium concameratum, & Vmbella Fastigiata, sub qua Bacchus confidet* <sup>d</sup>. Eundem profecto morem qui apud Aleae oppidanos viguit, puto retinuisse Eleutherenses, qui Atticam & Bocotiam olim dirimebant. Aedem Libero Patri dedicatam signumque ejus habebant, hocque, teste eodem Pausania, agmine composito deducebant, utque reor, Vmbella tectum, opertumque, quod in re non dubia iterum adnotare ille putavit non necessarium. *καὶ ναὸς οὐ μέγας*

B

a Lib. vii. Cap. xxxiii. Edit. Johan Henrici Lederlini Amstelodami 1706.

b Arcadica sive liber viii. cap. xlii.

c Pausaniam edidit Lipsius 1696.

d Lexicon, cum Not. Varior. Lugdun. Ba-

tau. 1668. Nota indiligentiam virorum ceteroqui doctorum qui Hesychio edendo operam impenderunt: omnes ad unum ὀρεφομένη scripserunt pro ἀρεφομένη.

μέγας ἔστιν, ἐς ὃν τῷ Διόνυσῳ τῷ Ἐλευθερέως τὸ ἀγαλμα, ἀνα-  
 πᾶν ἔπος κομίζουσιν ἐν πεταγμέναις ἡμέραις. *Est ex Bacchi Liberato-*  
*ris Fanum, non sane ingens, in quod signum ipsius singulis annis,*  
*statis diebus deportant*<sup>a</sup>.

At quo magis res perspecta atque explorata sit, disertissi-  
 mum Athenaei testimonium recitabo ex eo libro, quo univer-  
 sam Bacchi pompam Vmbellaeque usum enarravit. Postquam  
 igitur descripsit Alexandriam maxima celebritate omnis generis  
 hominum florentem, populumque profusa hilaritate dies festos  
 agitantem, quos in Liberi Patris honorem indixerat Philadel-  
 phus; postquam oculis quasi subjecit Hierophantas vel Phal-  
 los, vel myiticam Vannum gestantes; acclamationes ad tibiam  
 fundentes, aut inania cymbala, & aerea nablia collidentes:  
 hinc Maenades hederigeras capita retrorsum vi jacentes, illinc  
 Bassarides fluxis passisque crinibus thyrsum quatientes, magni-  
 ficentissimum Dionysii currum sic exprimit: μετὰ τέτρες πετρά-  
 κυκλος πηχῶν πεσσαρεσκαίδεκα, ὅκτω δὲ τὸ πλάτος ἦγετο ὑπὸ  
 ἀνδρῶν ὀγδοῆκοντα καὶ ἑκατὸν. ἐπὶ δὲ ταύτης ἐπῆν ἀγαλμα Διονυ-  
 σίου δεκάπηχυ, σπένδον ἐκ καρχησίου χρυσοῦ, χιτῶνα πορφυρῶν  
 ἔχον διάπεζον, καὶ ἐπ' αὐτῷ κροκωτὸν διαφανή. περιβεβλητο δὲ  
 ἱμάτιον πορφυροῦν χρυσοποικίλον. . . . . ἔιχε δὲ σκαίδα. *Post*  
*hos quatuor rotis currus agebatur a centum et octoginta viris, longus*  
*cubitos quatuordecim, latus octo, in quo stabat simulacrum Bacchi,*  
*cubitorum decem, ex auro carcheseo, Libantis cum tunica purpurea*  
*ad talos demissa, ac super ipsa Crocota pellucida: extima autem ve-*  
*stis circumjecta purpurea fuit auro variegata . . . . . Umbella (eam*  
*statuam) operiebat*<sup>b</sup>. Ut vero jam nulla dubitatio sit sive  
 scriptorum verba, sive vetustatis reliquias spectare velimus,  
 quin judicemus Vmbellam in sacris Dionysiacis adlatam con-  
 stanter fuisse, praestat recensere monumenta, quae ad id con-  
 firmandum videntur aptissima.

CA-

<sup>a</sup> *Attica sive liber* 1. cap. xxix.

<sup>b</sup> *Dipnosophia*. lib. v. cap. 1v. Hanc statuam  
 aurei tripodes, aurei crateres, aureaeque co-

ronae circumambiebant. Insidebat eidem cur-  
 rui Statua Nyctae, quae est Indiae urbs a Bac-  
 cho condita.

## CAPVT SECVNDVM.

*Monumenta aliquot σχιαδιοφόρησιν Baccho sacram referentia .  
Sardonyx nunc primum evulgata . Pictura Vasis Tuscanici  
perperam a Montfauconio explicata . Vetus Lapis  
ΔΙΟΝΥΣΟΥ ΣΚΙΑΝΘΙ restituitur .*

**E**A maxime animis affigi nostris aiebat apud Tullium Simo-  
nides , quae essent a sensu tradita atque impressa . Itaque  
ut quod jam scriptorum testimonio percepimus , etiam oculo-  
rum commendatione menti tradatur , sub aspectum ponam ve-  
tera monumenta , quae σχιαδιοφόρησιν Libero Patri sacram ex-  
hibent contuendam . Primum est anaglyphum bene longum ,  
quod ad zophorum praeclarissimi alicujus aedificii exornandum  
quondam puto adjectum , editum a Boissardo <sup>a</sup> , recusum dein-  
de a Montfauconio <sup>b</sup> , atque a Gronovio <sup>c</sup> . Alterum est gem-  
ma operis exquisiti & minime vulgaris , cujus exemplar atque  
effigies exstat in Collectione Embermayerii ab erudito Baie-  
ro notis perpetuis illustrata <sup>d</sup> . In hac potissimum Dionysius  
curru vectus , temulentus , vinoque confectus , demittens ca-  
put , obliquans cervicem visitur , cui adstat Ariadne , iisque  
advolat . Cupido duplex : alter Flabello languescentem Jac-  
chum veluti refrigerat , alter Umbella defendit . In anaglyptis  
vero marito quidem assidet uxor , sed Umbella , fulcro quo-  
dam , currus balaustratio infixata videtur . Hisce monumentis ter-  
tium adjicimus , quod ad Liberum Patrem pertinere nulli du-  
bitamus ; estque gemma tota sui specie exstant , quae nunc  
primum in lucem prodit ex Museo V. Cl. Philippi de Stosch ,  
a quo humanissime accepimus .

B 2

Vti-

<sup>a</sup> *Admiranda Mon. Urbis Romae Num.*<sup>c</sup> *Antiq. Graec. Tom. 1.*

XXXXI.

<sup>d</sup> *Theſaurus Gemmarum Tab. XLII. Norim-*<sup>b</sup> *Antiq. Expliqn. Tom. II. Part. 1. Tab. bergae 1720.*

LXXXVI.



Vtinam pars fracta hujus Sardonychis superesset, totumque σχηματισμὸν personarum exhiberet! sed ex puellorum gestu Flabellum, Umbellamque deferentium facile conjectabit quisquis artificem Bacchum caelavisse venas inflatum nectare dulci atque jacentem; nam si haec nostra Sardonix cum gemma Embarmajeriana comparetur, coelaturae delineatio ita persimilis, ut eodem utramque spectare mihi facile persuadeam. Accedit quod nulli Deorum, nisi Dionysio, Umbellam adpositam hucusque praefetulerint vetera monumenta. Erunt fortasse qui mirentur adpositum hic Genium alterum Lyram pulsantem, vel carmina canentem, quod Baccho extraneum, atque incongruens illis videbitur. Sed multis argumentis, eisdemque historiae consentaneis permotus scalptor hocce symbolum potuit adjicere. Apollini quidem Lyra dicata, at quae huic Numini data,

## ( XIII )

data , Baccho aliquando communia . Quid ipsius simulacrum ,  
Lysippi opus , in Helicone positum , quemadmodum a Pausa-  
nia memoriae proditum est<sup>a</sup> ? Non ne Pierius ille Δικόρυπος  
mons , in quo Apollo confidebat , etiam Baccho sacer habeba-  
tur ? ita plane Euripides Iphigenia in Tauris .

Βακχέυσαν Διονύσῳ

Παράσιον κορυφᾶν

Consecratum Baccho

Parnassium cacumen .

Qui item in Lycimnio Apollinem , Liberumque unum eundemque  
Deum esse significari scribit<sup>b</sup> . Nec id naturae ipsius alienum ,  
quum ipse Bromius Vates , Vatumque praeles crederetur .  
Aeschylus sane apud Pausaniam<sup>c</sup> secundo Bacchi auspicio Tra-  
goediis scribendis animum appulisse fassus est . Numisma insuper  
exstat Familiae TITIAE , quod interpretationi huic meae firma-  
mentum adjungit . Praefert barbatum Bacchi caput, dependen-  
te capillorum cirro , & diademate alato decorum . Vorsum,  
Pegasus posterioribus insistens pedibus ad volatum se erigens ,  
cum lemmate Quintus TITIUS . Omnes in eo conveniunt antiquarii  
( inquit Havercampus<sup>d</sup> ) ut poetae alicujus insignis cui Titio nomen  
fuerit , memoriam hic celebrari credant . Vrsinus atque Begerus ad  
Titium illum Lyrica , & Tragica poesi clarum , de quo Hora-  
tius Epistolarum lib. I. Epist. I II. , pertinere sunt arbitrati .  
Havercampus vero nummum cusum existimat in honorem Caii  
Titii , quem studebant imitari L. Afranius , quemque laudibus  
effert Cicero in Bruto cap. XLV. Vt cumque res se habeat , Bac-  
chus cum Pegaso , nempe Musarum symbolo , merito jungitur ,  
quod Deus hic poeticis certaminibus maxime praesideret . In  
nostra hac Gemma , Lyram exscalpsit eruditus caelator , quae  
musis aptissime tribui solet . Haec scribenti mentem subit Grae-  
cum excellentis operis anaglyphum ; quod Genuae est in Museo  
PP. Scholarum Piarum , de quo multa jam inde ab anno MDCCXLII.  
mihi perscripserat Cl. P. Petrus M. de Ferrariis . Exhibet Bac-  
chum Musicum , sive Μελόμεινον , quem coluisse Acharnenses  
tradit

<sup>a</sup> Eliacorum 11. sive lib. vi.

<sup>b</sup> Macrobius Saturnal. lib. 10. Cap. xviii.  
Edit. Grevorii .

<sup>c</sup> In Atticis sive lib. 1.

<sup>d</sup> In Thesaur. Morelliano Tom. 11. Amste-  
lod. 1734.

( XIV )

tradit idem Pausanias <sup>a</sup>. Rupi insidet Bacchus , laeva Diotae incumbens , dextramque velut cantus modulator attollit ; ante illum Nympha Cithara sonans ; pone hanc Faunus imberbis canens ; hinc Faunus alter tibiis paribus ludens , illinc Nympha alia sedens , sub qua musica quaedam prostant instrumenta . Eximium hoc , singulare , nec adhuc , quod sciam , editum marmor , pene dixerim , prae oculis habuisse Horatium dum ea fudit carmina :

*Bacchum in remotis carmina rupibus*

*Vidi docentem , credite posteri ,*

*Nymphasque discenses , & aures*

*Capripedum Satyrorum acutas <sup>b</sup> .*

Quae omnia dum animo colligo , rationem luce , & palam me reddidisse puto , cur inter Liberi Patris insignia Lyra recenseatur , & quam congruenter in Sardonyche Stofchiana Vmbellae copuletur ; scilicet , ut in omnium oculis positum esset ; Dionysium Musica , & Poesi delectari .

Superest vas fictile Musei Gualterii aquilo , luteoque colore pictum , Vmbellam repraesentans . Hoc Dempsterus protulit *Etruria Regali* <sup>c</sup> ; at Vir ille doctissimus nil nisi Tibiarum usum apud Etruscos in ludis & funeribus duxit perpendendum in hac pictura . Montfauconius etiam suae collectioni censuit addendum<sup>a</sup> ; sed dum ab antica posticam partem dividit atque sejungit , ut mihi quidem videtur , falsum de eo schemate tulit iudicium ; in ea namque sum sententia universam picturam ad Bacchum omnino pertinere , ac me deprehendisse confido quo tota res spectet . Recitaboprimum Montfauconii verba , quibus vas ipsum describitur , opinionem deinde meam aperiam , ac confirmabo . *Prima vasis facies* , inquit ille , *Bacchum cum sua turma exhibet . Bacchans vir agmen ducit facem gestans . Bacchus ipse postea iter carpit Thyrsum tenens , & pallium gestans in posteriora rejectum , quo nuda non operiansur . Bacchantem ille mulierem sibia ludentem respicit . Postea accedit Bacchans senex forteque Silenus , qui discum tenet sive lancem . In altera vasis facie longe aliud*

<sup>a</sup> In *Attic.*    <sup>b</sup> *Carminum lib. II. Ode XII.*  
*Ad usum Delphin.*

<sup>c</sup> *Lib. I. I. cap. LXVI. pag. 383.*

<sup>d</sup> *Supplement, Tome. III. Tab. XXXVII.*


aliud spectaculum cernimus . Statim tres visuntur mulieres , quarum duae sedent , altera stat . Ex illis una Umbellam gestat hodiernis Umbellis similem . Hinc cernitur columna , cui insistit Deus quispiam , sive Dea , quam facile non agnoveritis . Id itaque primo arripio ad reprehendendum quod in altera vasis facie spectaculum a prima longe dissimile cerni affirmet , quum ibi mirabilis quaedam continuatio seriesque rerum existat , ut alia ex alia nexa , & omnes inter se aptae , colligataeque videantur . Qui chorum ducit , facem utique gestat manuque attollit , sed qui illum insequitur Bacchans est non Bacchus ipse ; atque hic Bacchantem , non tibia , sed tibiis paribus ludentem respicit ; postremo non Silenus discum aut lancem tenens , sed Bacchans alter Tympanum efferens . Atque hi omnes festum agitant , quod Græci ΛΑΜΠΤΗΡΙΑΝ dixerunt . Celebrabant potissimum Pelenses in Achaja in honorem Bacchi τῷ λαμπτήριος faces in templum noctu inferentes & vini crateres passim per Urbem disponentes . De eo Pausanias τῶν καὶ λαμπτήριον ἱερῶν ἄγνοι καὶ δῶδας τὸ ἐς τὸ ἱερὸν κομίζουσιν ἐν νυκτὶ . Huic ( i. e. Baccho ) etiam festum celebrant Lampetiam , & tum faces in Templum noctu ferunt \* . Quae in altera vasis facie visuntur minime sunt dissonanda , tum quia mos fuerit pictorum totam vasorum superficiem rebus in orbem obducere , quae ad unum referrentur , tum quia Umbella Baccho maxime conveniat . Itaque , ut opinio mea fert , Mulieres quae adstant , huic pompae interfuerunt , vel eam spectaturae juxta columellam , cui insidet Bacchi signum , convenerunt . Altera ipsarum gestat Umbellam , & vel hac usae sunt in deportatione simulacri , vel eam pictor adjecit , ut ad Dionysium universum spectaculum pertinere intelligeremus . Neque omnino alienum a pompa Dionysiaca , in qua plerumque immoderata libertas , intolerandaque licentia , quod hic mulieres vestibus suis modestissimos praeferant mores ; exemplum petam ex Vase Bacchico Musei Kempiani <sup>b</sup> , ubi mulier pudice , & elegantissime vestita conspicitur . Quod quum ita sit , veteres & merito , & jure Umbellam religionis causa

<sup>a</sup> In Achaicis sive lib. vii. 11.

<sup>b</sup> Monumenta Vetusstatis Kempiana pag. 124. Londini 1720.

caussa in sacris Liberi Patris detulerunt, quam a majoribus suis acceperant Bacchum ipsum deportasse \*.

Nec vero praetereundum arbitror Vmbellae gestamen tam praecipuum, tamque proprium Bacchi fuisse, ut ex eo nomen etiam sortitus sit. Satis mihi idoneum testimonium vetus lapis a Reinesio <sup>b</sup>, & abs Cl. A. F. Gorio typis traditus <sup>c</sup>. Est autem ejusmodi.



Vetustissimum hoc Epigramma singulari Differtatione explicare adorsus est Franciscus Comes Montanus Pisarenfis <sup>d</sup>, deinde summo ingenio, exquisitaque doctrina illustravit A. M. Salvinus,

a Permiſum mihi est Cl. Bonartiosum apum omnium gravissimum ac doctissimum virum, dum veterem caelaturam, seu ut vocant, *Cameum* ex vitro seu potius incausto fule interpretatur, (*Medaglioni etc. Trionfo di Bacco pag. 437.*) nihil de Vmbella, quae in ea visitur dixisse, imo nec a pignore effingendam curasse. Saepè & multum *Cameum* contemplati sumus in Cimeterio Carpineo Bibliothecae Vaticanae contiguo, ac duo corrigenda censuimus. Primo, ut a Jebam, quod Vmbellam in diagrammate praetermisisset: pateſcis ea aperitiſſime in archetypo, fulcroque subleantur quod Faunus manu gestat, fulcrum quidem inferne cuspidatum est; ut in terram, si opus fuerit, Vmbella designatur. Extrema autem Vmbellae superficies, ornatus ergo, squamosa. Alterum est quod in Bonartioſi explicatione nonnulli putant emendandum. Existimavit ille in *Cameo* non *Eacchum*, sed liberam temulentam decumbere, aspecus epim, forma, vestitus mulierem plane demonstrant. At quid si sculptor *Bacchum Muliebrem* effingendum cogitatione ac mente con-

sideraverit? Nonnus Panopolita, qui Dionysiaci omnia scribendo percussit lib. xiv. edit. *Weſtſch.* 1610. de eo sic cecinit.

Πῶ δὲ πρὸς αὐτὸν ὁπλὸν ἡνδρὶ μὲν μὲν  
 Saepè videbatur vultu fallente puella.  
 Est etiam splendidum de ea testimonium apud Theodoritum *Hist. Eccl. lib. 111. cap. vii.* ubi de licentia quam Etheſei a Juliano nacti fuerant: adversus Christianos ἱστορεῖται δὲ ὁ μὲν πρὸς τὸν βασιλῆα τῶν ῥωμαίων τὸν τοῦ αὐτοῦ ἀρχιεπισκοπὴν καὶ τὸν κατὰ τὴν αὐτοῦ ἐκκλησίαν τὸ κατὰ τὴν αὐτοῦ ἐκκλησίαν τὸν αὐτοῦ ἱερομόναχον ἔλεγε. *Enesae, quae est urbs contermina, Ecclēſiam, quae recens ascripta fuerat Baccō Gynidi ( muliebri ) consecravimus simulacro ejus ridiculo & androgyno ( masculino-femineo ) in eo collocato. Atque id unum velim animadvertant, qui quum in Bacchicis antiquitatibus speciem aliquam muliebrem conspiciunt, statim de Baccha cogitant, & Dionysium expellunt.*

b *Reinesius Classe 1. Num. cxxxiii.*

c *Inscript. Antiq. Florentia Tom. i. num. 1.*

d *Giornale d' Italia Tom. xxxii.*



## (XVII)

vinius<sup>a</sup>, quorum diversa judicia nunc expendere oportebit. Montanus legendum putat ΣΚΙΑΝΘΙΟΥ, vel ΣΚΙΑΝΘΙΕΩΣ, vel etiam ΣΚΙΑΝΘΙΑΟΥ, atque τὸ ἐθνικὸν esse censet vocis Σκίας, quod est Arcadiae oppidum umbroso, & opaco loco situm. Sed Salvinus tota sententia ab eo dissentit, nam locus unde Bacchus sic poterat denominari, debuit esse Σκίαρθος, ex quo derivetur ΣΙΑΝΘΙος; namque, inquit, ἀπὸ τοῦ Σκίας esset Σκιάδιος. Quis Salvinio repugnabit & obsistet, homini scilicet, qui graecarum litterarum studio tantam contulit operam, ut omnes in eum transmigrasse crederentur? Sed quum infinita sint in antiquis marmoribus, quae necessario postulant emendari, Inscriptionem ita restituendam arbitror, ut cognomen hocce non ab oppido Libero Patri sacro dedicatoque, vel ab alio derivandum sit, sed abs ritu gestandae Vmbellae. Quod antequam faciam, hoc quoque notandum est, Cl. Scipionem Maffei<sup>b</sup> omni doctrinae genere excultissimum existimasse, primam etiam Inscriptionis lineam emendatore indigere; nempe quum marmor votivum sit, legendum Διοῦσος<sup>c</sup>; res tamen exemplo non caret, si Διοῦσος κατὰ πρόσταγμα latine reddatur: Imperio Bacchi. Formulae illae Imperio Veneris: Jussu Apollinis &c. & similia prostant in quavis Epigrammatum collectione. Inscriptionem itaque in hunc modum lubet restituere, ac latinitate donare, τὸ σκισθῆναι mutilum verbum esse reor, cui litterae aliquot sint addendae ad accommodatissimam significationem constituendam, scilicet suppleo ΕΚΙΑΝΘΕΝΤΟΣ, id est Vmbra tecti; vel ut Plautino utar verbo, Vmbratici. Nam quemadmodum Bacchus modo dictus est λύματος, quod mentem blande leniat; ἐπιλήνιος, quod vindemiis, & torcularibus praefit; ἐνορχος, quo ejus sacra cum tripudio agerentur; θρίαμβος, quod primus triumphum duxerit; μιτρηφόρος, quod ejus caput mitra religaretur, si nimio vini haustu nutaret; παρθηκοφόρος, a ferula, cujus usus in ejus Festis frequens erat &c. ita denominatus aptissime, propterea quod Vmbellam aequae ac mitram, & Ferulam in sacris sollemnibus obtineret. Vereor equidem ne

C

haec

<sup>a</sup> Apud Gorium ubi supra.

<sup>b</sup> Ibidem.

<sup>c</sup> Reinefii Index habet Διοῦσος σκιάδης, quid

sibi velit, haud satis percipio, nisi puter idem esse σκιάδης, ac σκιάδην, vel λειαντήνην.

(XVIII)

haec nostra lectio in vituperationem cadat recentium Grammaticorum, nimiumque nos pro libito arbitrari hi affirmant, quum juxta eorum praeceptiones scribendum foret ΣΚΙΑΣΘΕΝΤΟΣ; sed illud erunt admonendi, Graecos litteram N alteri asperioris soni proximam vel praetermisisse, vel cum alia commutasse *ευφωρίας* gratia. Sunt haec in promptu apud Scriptores de pronuntiatione Graecorum, ac praecipue in Dialogo Erasmi. Ex eo autem, quod hic loco Σ sit N, ni ego fallor, vetustissima hujus marmoris aetas emergit; sculptum enim videtur dum adhuc graece litterae admodum impolitae rudesque essent, quibus deinde doctorum hominum, maximeque poetarum diligentia suas contulit venteres. Habe jam latinam Epigrammatis versionem

*Ex . Jussu*

*Bacchi . Vmbratici*

*Marcus . Pinarius*

*Proclus . &*

*Aristobolus*

*Aristoboli . Filius . P.*

Hic si de Dionysio finem faciam dicendi, satis diligentiae meae, satis causae, & controversiae fecisse videar; sed nonnulla adhuc sunt ex Hebraeorum antiquitatibus huc accersenda, quo disputatio cumulatius tractetur.

C A P V T T E R T I V M.

*Judaeos Hellenistas in celebrando Festo σκηνοπηγίας multa abs Ethnorum Bacchanalibus flagitiose adscivisse. Nec tamen omnino credendum Plutarcho, Judaeos se totos Idololatriae devovisse affirmanti. Narrantur ea, quae in Festo Tabernaculi formam habuere Dionysiorum. Nummus Agrippae senioris explicatus. Bacchicam σκιάδιοφóρησιν apud Hebraeos collabente Rep. vere obtinuisse.*

**N** Eminem latere arbitror permulta esse in Ethnorum moribus, quae sacrae Scripturae interpretandae aptissime advocentur, lucemque afferant quamdam institutis Hebraeorum

rum

rum explicandis . Sollemne apud illos *Festum Tabernaculorum* ἐορτὴ σκηνῶν , vel σκηνοπηγία , vel *Festum collectionis* , quod a die xv. usque ad xxi. mensis *Tisbri* singulari hilaritate , ac pompa agebatur . *Institutum quidam putant in memoriam protectionis , quam Deus Israelitis desertum transcurrentibus nube dedit , sub cuius umbra tamquam sub tuto Papilione iter faciebant* <sup>a</sup> . Longe verius quod alii scribunt rationem ejus Felti fuisse commorationem Patrum , ac majorum suorum in Tentoriis ac Papilionibus , ut auctor *Levitici* disertis verbis testatur <sup>b</sup> . Dum etiam *Exodi* auctor inductum scribit in sollemnem gratiarum actionem pro collectis frugibus <sup>c</sup> , & acta feliciter vindemia , quare a *Theophylacto* dicitur ἐυχαριστήριον ἐπὶ συγκομιδῇ τῶν καρπῶν <sup>d</sup> . Porro τῆς μεγίστης ἐορτῆς caeremonias jussu Dei *Moses* ipse praefinierat , ac constituerat . At quum *Judaei* jugiter in *Idololatriam* proclives , nativam perfectamque religionem , quam coelitus acceperant , peregrinis ac superstiosis ritibus contaminaverint , atque corruperint , tum in celebrando *Tabernaculorum Festo* , multa ab *Ethnicorum Bacchanalibus* videntur adscivisse . Cujus quidem turpissimae corruptelae potissimum in causa extitit *Judaeorum* cum *Graecis* familiarior consuetudo , quae vel maxime ab obitu *Alexandri M.* intercessit <sup>e</sup> . Igitur quia collabente *Judaica Republica* in hoc celebri Festo , praeter alios *Bacchicos ritus* , nisi me fallit animus , *Vmbellae* usum in vectum non obscure perspicio , aggredior rem quam diligentissime expendere , momentoque suo ponderare .

Compertum fane mihi est, Ethnicos Scriptores , qua insci-

## C 2

tia ,

<sup>a</sup> *Thomas Goodwinus Moses & Aaron suos civiles & ecclesiastici Ritus lib. 111. cap. vi. Francofurti 1716. edit. Hottingeri Goodwini Nepotis .*

<sup>b</sup> *Levit. xx111. v. 43.*

<sup>c</sup> *Exod. xx111. v. 16. V. Conradum Mel : Antiquarius Sacer, de Usu Antiq. Judaicarum Graec. Roman. in exemplum Scripturae duct. &c. Joh. Meyrum de origine & causa Festorum Judaicorum . Conradum Ikenium Antiquit. Hebraic. P. 1. cap. x11. de Temporibus sacris §. 19. Bremae 1735.*

<sup>d</sup> *In Joban. vi11.*

<sup>e</sup> *Alexandri Magni successoribus de summa Imperii contententibus , Judaeorum terra mo-*

*do Aegypti modo Syriae Regum ex gente Macedonica praeda fuit. Illis regnantibus facile Graecorum moribus adfuerant Judaei : potissimum quum Ptolomaeus Lagus Philadelphi Pater multitudinem eorum in Aegyptum deduxit . Longe nequiora sub Antiocho Epiphane acciderunt . Quum iphus domitatu omnia tenerentur , graecas consuetudines in sacris & civilibus ritibus Judaeos partim suppliciorum metu , partim voluntatis illecebra imitatos fuisse legimus *Macab. 11. 1v. 10. 11.* Ceteris exemplo suere par illud impium ac scelestum *Jafon* atque *Menelaus* , tum etiam *Aristobulus . V. Joseph Antiquit. Judaic. lib. x11. & x111. Edit. Amstelodam. 1726.**

tia, quæ studio partium corruptores antiquitatum Hebraicarum extitisse, & quæ in eorum libris supersunt Judaicae gentis vestigia plerumque mendosa esse ac depravata<sup>a</sup>. Non est tamen cur omnino Plutarchum reprehendamus propterea, quod σκηνοπηγίαν a Judæis more Bacchantium peractam adfirmet: minime a vero abest si dicatur id serius contigisse, scilicet Plutarchi ætate; contigisse autem præter omne divinae legis præscriptum, & contra primævum morem. Ceterum plena errorum sunt omnia, quæ subdit, nempe hoc Festum Libero Patri fuisse dedicatum, Bacchumque ipsum a Judæis coli. Is quidem in hunc modum scribit: πῆς μεγίστης καὶ πλειοπίας ἑορτῆς παρ' αὐτοῖς ὁ καιρὸς ἐστὶ καὶ ὁ τρόπος Διουσύων προσήκων. πῶν γὰρ λεγομένην ἡσθεῖαν ἀκμάζοντι τρυγέῳ τραπέζας τὲ προτίθενται παντοδαπῆς ὀπάρας, ὑπὸ σκηναῖς τὲ καθιᾶσιν, ἐκ κλημάτων μάλισα καὶ κίττῃ διαπικλυμέναις, καὶ πῶν προτέραν τῆς ἑορτῆς σκηνὴν ὀνομάζουσιν. Ολίγαις δὲ ὕστερον ἡμέραις ἄλλην ἑορτὴν ἐκ αὐτῶν ἀνιγμάτων, ἀλλὰ ἀντικρυς Βάκχῳ καλεμένην πελοῦσιν. Ἐστὶ δὲ καὶ κραττοφορία τῆς ἑορτῆς καὶ θυρσοφορία παρ' αὐτοῖς, ἐν ᾗ θυρσοὺς ἔχοντες εἰς τὸ ἱερόν εισίσσιν. εἰσελθόντες δὲ ὅ τ' ὀρώσιν ἐκ ἴσμεν. εἰκὸς δὲ βακχεῖαν εἶναι τὰ ποιούμενα. καὶ γὰρ σάλπιγγι μικραῖς, ὥσπερ Ἀργεῖοι τοῖς Διουσύοις, ἀνακαλέμενοι τὸν Θεὸν χρῶνται. καὶ λιθαρίζοντες ἔπειρο προσίσσιν, ὥς αὐτοὶ λυῖταις προσογομάζουσιν, εἴτε παρὰ τὸν λύσιον, εἴτε μᾶλλον παρὰ τὸν Ἑυῖον τῆς ἐπικλησίας γενημένης. *Maximæ, & perfectissimæ (Judæorum) sollemnitatibus & tempus & modus cum Bacchi sacris congruit. Quod enim ipsi vocant jejuniū, id sic celebrant, ut maxime fervente vindemia proponant mensas, in quibus expositæ sint omnis generis fruges: & sub Tabernaculis desident, potissimum e palmitibus & hedera, quæ contextuntur: & diem, quæ Festum antecedit Tabernaculariam nominant. Paucis vero post diebus aliud Festum non obscure, sed omnino aperte Baccho nuncupatum celebrant. Est etiam apud eos sollemne Festum craterophoria (crateris gestatio) & Thyrsophoria, ubi Thyrsos gestantes in templum intrant: quid intus faciant, ignoro. Credibile est Bacchi ab iis sacra peragi. Nam tubis exiguis sicut Argivi in*  
Bac-

<sup>a</sup> Singularem librum Id docuit Christianus Wormius de corruptis Antiquitatum Hebræarum apud Tacitum & Martialem vestigiis.

Bacchanalibus utuntur, ut Numen evocent: & alii progrediuntur citharis ludentes, quos ipsi Levitas appellant, sive a *Lyfio*, sive ab *Evio*<sup>a</sup> potius ita dictos<sup>b</sup>. In hoc quidem splendide mendacem ajo esse Plutarchum, quod Judaeos aperte & large dñs Ethnicorum cultum adhibuisse scribat.

Venio nunc ad ea, quae in Festo Tabernaculi similitudinem & formam habuere Dionysiorum; sequar autem Jo. Gothofredum Lakemacherum, qui acute, multisque verbis disputavit de *Ritibus quibusdam Bacchicis a Graecis ad Judaeos derivatis*<sup>c</sup>. Praemonuimus itaque cap. I. Bacchi sacra noctu plerumque exerceri; eodem ferme modo vesperscente jam die in Atrium turba feminarum confluebat Festum Tabernaculorum actura. De quibus sacris pervigiiliis ex divinarum litterarum testimonio permulta sunt apud Petrum Zornium<sup>d</sup>, & Joh. Christophorum Harenbergium<sup>e</sup>. quamquam populi hujus sollemnitates ferme omnes nocturno tempore celebrari consuevisse, non incite evincunt Joh. Ligtfootus<sup>f</sup>, & Campegius Vitringa<sup>g</sup>. Deinde cap. II. in Bacchi Templum Lampades, facesque accensas inferri adnotavimus; quod etsi in Panathenaeis, Hephestiis, Prometheis usuveniret, Dionysio tamen ab Aristophane potissimum adjudicatur: *σὺν πίυκαις σελαγεί Κωμαΐης Λιονύσιος κρηταedis fulget comessator Bacchus*<sup>h</sup>. Simillima narrant Talmudici de Festo Tabernaculorum, in quo viri primores ac religiosi faces ardentes inter saltandum in altum jaciebant, delapsasque manibus rursus excipiebant. Quid dicam de saltationibus a Bacchantibus artificiose institutis? *Δαίμων Ερόρχης* Lycophroni dicitur ipse Dionysius<sup>i</sup>. Quid de cymbalis, nablis, tibiisque, aut de vociferatione? de amphorae & calathi gestatione? de ramorum agitatione? quid tandem de comessationibus & computationibus? notissima haec dum Baccho sacra haberentur.

<sup>a</sup> *Symposiacum* lib. IV. Edit. Xylandri Francofurti 1599.

<sup>b</sup> Utrumque Bacchi nomen. V. Banier. *Explication Historique des fables* Tom. II.

<sup>c</sup> In *Observationibus Philologicis* Tom. I. Obser. II. Helmstedii 1725.

<sup>d</sup> *Opuscula sacra* Tom. I. de Vet. Hebraeo, *Pervigiis sacris Altonavinae* 1743.

<sup>e</sup> Exstat in *Bibliotheca Bremensi Classe VII. Fasciculo I.*

<sup>f</sup> In *Horis Hebraicis ad Marci XI.*

<sup>g</sup> *Comment. in Esaiam* XXX. V. Critic. Sacra.

<sup>h</sup> In *Nubibus*. Edit. Ludolph. Kußeri. Amstelodami 1710.

<sup>i</sup> In *Alex.*

tur. Verum turpes ac flagitiosas ejusmodi caeremonias a Graecis ( praesertim sub Regibus Aegyptiorum Syrorumque Macedonicis ) didicisse , & aliquando nequiter retinuisse Judaeos recentiores legisque desertores probat idem Lakemacherus , cujus verba , atque allata ab eo testimonia exscribere supervacaneum duco . Nunc quod in hac re primum interest , conficiamus .

His itaque graecorum ritibus imitandis quum perditae incumberent , nihil miror si vel ipsam Umbellam more Bacchico in Festo Tabernaculi deferrent . At inquires , ubinam ejus moris indicia ? in nummo Agrippae Senioris abs Judaeis Hellenistis percusso , quem subijcio conspiciendum .



Diu multumque haesit Cl. Spanhemius , ut ipse fatetur <sup>a</sup> , quo referenda essent symbola in utraque nummi parte insculpta . Dubitaverat primum , spicas illas fertilitatem Provinciarum , quibus praeerat Agrippa , denotare <sup>b</sup> . Tandem spicarum manipulum ad Festum Pentecostes pertinere opinatus est <sup>c</sup> , pluribusque argumentis eam opinionem tuetur , atque persuadet . De Tentorio autem , quod est in altera nummi parte cum Borcharto Hebraicarum antiquitatum primipilo , atque cum Botevio <sup>d</sup> sentit , nempe Festum Tabernaculorum ab eo praesignari <sup>e</sup> , quod communiter probatissimi scriptores concordant plane .

<sup>a</sup> De *Vsu & Praestant. Numism. Diff.* viii. Edit. Amstelod. 1717.

<sup>b</sup> Recte id quidem est suspicatus ; nam Metapontini prae multis & Siculi , apud quos magna frumenti copia spicas triticeas suis nummis insculpi jussere . Sunt praeterea nummi alii complures , qui id confirmant , ut illud Antonini Pli cum lemmate *ΕΥΘΗΝΙΑ Fertilitas* , ceterique quos collegit . illustravitque Chrysothomus Hantaler. *Exercitationes Faciles de Nummis Veter. Dialog.* xii. n. viii. Norimbergae 1741.

<sup>c</sup> Spicarum manipulum in nummo Agrippae Auctor Cimeliiothecae S. Genovefae ad Festum Asymorum spectare arbitrat . *Gabinus de*

*Sainte Genovefue Tab.* xxi. pag. 91.

<sup>d</sup> Claude Bouteroue , *Recherches de Monnoyes* pag. 30. Paris 1666. Petrus Seguinus in *Selectis Numismatibus Parisiis* 1684. censuit non Tentorium esse , sed Galeam equina cauda insignitam ; at nummum certe ille viderat nimis detritum , ut in eam descenderet sententiam .

<sup>e</sup> Joh. Harduinus quem unum novitas magis quam veritas ad nummos interpretandos semper excitavit , sibi in laude posuit via progredi nullius antea trita pede , in quid de hoc symbolo proferat . Tabernaculum illud Agrippae , & quidem Junioris Ducatum ex S. C. in Judaea commissum indigitare , quo procuratorem ge-

sententia asseverant. Jam vero quae similitudo hujusce Tentorii cum Tabernaculis. quae a Judaeis pro illa celebritate fabricabantur, dum Moisi leges, & institutae ab eo caeremoniae adhuc custodirentur? Vetera Hebraeorum Tabernacula sub dio constitui oportebat; non intra Portas, aut sub arboris tegmine; nec tegi velis, nec condensari frondibus. Rimulas quoque relinqui fas erat, per quas pluvia illaberetur, Solis radii transmitterentur, Stellae noctu transparerent. Thyrsi olearum, & Palmarum, termites Myrtorum, rami Salicum parietibus, tectisque aedificandis materia aptissima: tectorum vero forma numquam culminata, sed plana. In Nummo autem Agrippae nil visitur, quam Umbella in acumen desinens, ab imbris pertegens, solis radios arcens: hic nullum termitum aut ramorum vestigium, sed opus textile, aut pelli-  
ceum baculo quodam suffultum. Quid tantam effecit dissimilitudinem in Tabernaculis construendis? Ita plane existimo; Foedifragos Hebraeos illos ex longa ac vitiosa cum Graecis consuetudine, apud quos magnificam *συναδιοφόνειν* saepe viderant, corrupto contaminatoque judicio illam suis ritibus admiscuisse. Atque eo etiam magis, quod patriis regionibus extorres, ac in exilium exportati diu a suae religionis caeremoniis fuerint prohibiti: id autem facile evenit obeam rem, ut purioris, castique cultus a Mose inducti obliviscerentur. Vel quod putarent licere sibi temporis servire, & potentissimis suis Regibus obsecundare, Tabernacula sic aedificando, & quod ritum hunc falso arbitrarentur ex his rebus, quae neque in vitiis, neque in virtutibus sunt. Vt ut res contigerit, duo rata fixaque puto, Tentorium in nummo Agrippae ad Festum Tabernaculorum pertinere, formam vero Tentorii adeo ab antiquis ab similem atque abnormem indicio esse quidpiam ex Ethnorum moribus derivatum apud Judaeos Hellenistas obtinuisse.

CA-

reere non regia potestate, sed solo militum imperio: est enim imperatoris assignare ubi Tentoria ponenda, quove transferenda. V. *Chro-nologia ex Nummis restituta cum Profectione de*

*Nummis Herodianis. Parisiis 1693.* At quis tam hebes, quem ista moveant? aut quid negotii est haec portenta convincere?

## CAPVT QVARTVM.

*Qua ratione Vmbella deportaretur in Eleusiniis Theſinophoriis , ac Panathenaeis religionis ergo . Ariſtophanis Scholiaſtes caſtigatus . Theſinophoria fuiſſe ἑργα πυρρείεα . Numiſma Iuliae Domnae illuſtratus . ΣΚΙΡΑ apud Athenienſes in honorem Minervae Scirades . Vmbella in eo feſto quorſum elata . Cur illa albi coloris . Suidas parum ſibi conſtans in ejus deſcriptione .*

**G**raeci quondam , qui omnia , quae ad Deorum cultum pertinerent diligenter pertractabant , iisque nomina naturae officiisque apta & convenientia imponebant , praeclare Bacchum , teſte Strabone <sup>a</sup> , appellabant : ἀρχηγέτην μυστηρίων τῆς ΔΗΜΗΤΡΟΣ , *Ducem Miſteriorum CERERIS* . Quare quum jam ſuperioribus capitibus traditum a nobis ſit , qui fuerit Vmbellae uſus in Dionyſiacis , ſequitur nunc ut explicemus qua ratione deportaretur dum dies Feſti in honorem Cereris , totius Graeciae celebritate , agerentur . In *Cereris* autem feſtis praedicantur illa *Eleuſinia* , quae apud Athenienſes nobiliſſima fuerunt <sup>b</sup> . In quem vero finem ea inſtituta ſint ita in promptu eſt , ut diſputatione non egeat . Hoc Graecorum animis inſitum & perſuaſum raptam a Plutone prope Lernam , ubi Fluvius Chimarus labitur , Proſerpinam fuiſſe , quam quum inveſtigare & conquirere Ceres vellet , dicitur inflammaviſſe taedas iis ignibus , qui ex Aetnae vertice erumpunt , quas ſibi cum ipſa praereteret , orbem omnium peragraſſe terrarum <sup>c</sup> . In ejus memoriam ſacra haec , de quibus tractationem mihi aſſumo , ab Erechtheo Pandionis Filio ( a quo Athenis exordium coepit regum Erectidarum ) dedicata ſunt , aut ſaltem ſollemniori ritu peracta feruntur ; & dupliciter Dionyſiacis aſſimilia , tum quia alia τὰ μεγάλα , alia τὰ μικρά , tum quia noctu peragebantur menſibus Antheſterione , & Boedremione .

Cerer

<sup>a</sup> Strab. Geograph. lib. x. Edit. Pariſ. 1620.

<sup>b</sup> D. Auguſtin. de Civ. Dei lib. vii. c. xx. Edit. Rom. 1468.

<sup>c</sup> Cicero in Verrem iv. Addito , ſi placet Arnobii verba : Eleuſinia illa myſteria & ſa-

crorum reconditi ritus , cujus memoriam continent ? nonne illius erroris , quo in ſilia conſequiſſionem Ceres ſibi oras ut venit ad Atticas , triticeas attulit fruges, lib. v. Lugdun. 1677.



Cereri etiam Thesmophoria summa religione, devinxit Triptolemus, quae apud Graecos, nocturno quoque tempore, mense Pinapensione, post tritici demessionem celebrabantur<sup>a</sup>. Ea non solum Athenis, sed alibi etiam obtinere, & inventa creduntur in memoriam latarum a Cerere legum, & datarum hominibus frugum. Cetera, quae ad festi hujus originem antiquitatemque spectant, tradit illustris Ezechiel Spanhemius in observationibus ad Hymnum Cereris Callimachi. *Ex Aegypto in Graeciam & a Danaidibus quidem ac proinde Argos, ubi eadem cum Patre Danao dicuntur adpulisse, illatum primo hoc Cereris Festum. Θεσμοφóρια a Graecis dictum tradit Herodotus lib. II. cap. CLXX; ita tamen ut recuperata a Doribus Peloponneso, apud solos Arcades idem deinceps remanserit*. Multa equidem Eleusiniis aequae ac Thesmophoriis erant communia, atque inter haec gestatio Vmbellae. Scholiastes vetustissimus Aristophanis in Avibus. το σκιαδέιον κατασκευάσμάτι ὅπερ ἔχουσιν αἱ κανηφόροι ἄπιῦσαι εἰς τὰ ἑλδσί-ρια ὑπὲρ τῷ μὴ καίεσθαι ὑπὸ τῷ ἡλίῳ. *Vmbella operculum quoddam, quod gesserunt Canistra ferentes (Virgines) ad Eleusinia, ne a sole adurerentur*<sup>b</sup>. Sed hac in re auctor adhibendus ipsemet Aristophanes θεσμόφορα ἔχουσαι, a quo inter requisita pro Choro Mulierum Thesmophoria celebrantium adducuntur καλὰθισκοι, καὶ σκιαδοί. Calathifci & Vmbellae.

Ἡμῖν μὲν γὰρ σῶν ἔτι καὶ νῦν  
Ταρτίον, ὁ κανῶν, οἱ καλὰθισκοί  
Τὸ σκιαδέιον.

Nobis enim saluum adhuc etiam nunc  
Lisciatorium, scapus textorius, Calathifci,  
Vmbella.

Duo tamen in Aristophanis Scholiaste arbitror improbanda. Primum quod Vmbellam non Pompae sacrae supellectilem judicet, sed potius inter utensilia domestica mulierum recenseat. Alterum quod ad solis aestum devitandum a matronis deportari affirmet. Enim vero Aristophanes ipse Calathifcos & Vmbellas

D

perae-

<sup>a</sup> Non quinquartila, sed annua fuisse ejusmodi sacra probare auctorit. Vandale in marmorb. Dissert. v. 111. cap. 11.

<sup>b</sup> His omnino similia habet Suidas in Lexi-

co v. σκιαδέιον Edit. Colon. Allobrog. 1619. & Cantabrigiae 1705.

<sup>c</sup> Edit. Kusterii.

peraeque memorat : erantque symbolica quædam instrumenta , quibus , aut rerum a Cerere , & Proserpina gestarum recordatio excitaretur , aut quid in his sacris foret agendum præsignabatur . Neque opus erat umbraculo ullo ad Eleusinia , & Thesmophoria abeuntibus , quum mulieres ad illa die vesperscente , & sub occasum solis procederent . Quod autem per noctem Thesmophoria celebrarent , scriptum est ab ipso Aristophane , dum ea , loco laudato , γυναικῶν ἔργα νυκτελεία , mulierum opera nocturna appellat , a quo non dissentit Arnobius : *Vultis enim consideremus mysteria , & illa divina , quæ Thesmophoria nominantur a Graecis , gente ab Attica sancta illa PERVIGILIA consecrata sunt* <sup>a</sup> . De Eleusiniis vero , quod noctu agerentur , fusc lateque probant scriptores de Festis Graecorum , quorum auctoritati suffragatur Numisina magni moduli Masaccæ in Cappadocia sub monte Argeo , ( cui deinde Caesareæ nomen fuit ) percussum in honorem Iuliae Domnae , ΜΗΤΡΟΠΟΛΕΩΣ ΚΑΙ ΚΑΡΙΑΣ ΝΕΟΚΟΡΟΥ . Exstat , de more caput Augustæ , vorsum autem Genius Urbis : Meta ante , & altera post Genium cum duabus Taedis hinc & inde . Cerealibus Græcis ἐλυσίβια in Circo noctu peracta indicant ; unde Circi metae & lampades , quod sacra a Matronis lucus causa Cereris filiam cum facibus quaeritantibus celebrarentur <sup>b</sup> .

Celebritati ac pompæ τῆς θεσμοφορέων nihil cesserant πᾶσι παναθήναια in honorem Minervæ , quæ Athenis potissimum auspicatis diebus agi consueverunt . Nihil ego dicam de sollemnibus ludis , supplicationibus , obambulationibus , musicis aut gymniciis certaminibus illic habitis :

*Debita cum castæ solvuntur vota Minervæ ,*

*Tarda que confecto redeunt quinquennia lustro ?*

Quid attinet de rebus tam apertis plura requirere ? Tempus tamen , quo celebrabantur necessum est paucis adnotare : Τὰ μεγάλα παναθήναια itaque XXI Hecatombæonis , πᾶσι μικρὰ postridie Bendideorum , idest XX Thargelionis . De his autem scribentibus quid frequentius , aut usitatius quam Virginum σκιάδηφόρων commemoratio ? cujus rei documenta qui exquiret ,

adeat

<sup>a</sup> Lib. v. Edit. Lugd. Batav. 1651.

<sup>b</sup> Vaillant in mem. Muséi de Champ.

## ( XXVII )

adeat Johannem Meursium , a quo haec copiose tractata sunt \* . Sed fuit apud Graecos celebrior quaedam dies in honorem Minervae , quae Umbellae sollemni ritu deferendae penitus addicta videbatur , nempe Festum ΣΚΙΡΑ , vel ΣΚΙΡΟΣ , aut ΣΚΙΡΟΝ . Quatuor hic excutienda res suppeditat : Festi hujus ritum , mysticam ejusdem significationem , tempus , quo agebatur , & Umbellae in eo adhibitae conditionem , atque naturam . Haec omnia autem brevi oratione conclusit Suidas . Σκίρα ἑορτὴ παρ' Ἀθηναίοις , ἀφ' ἧς καὶ ὁ μὴν Σιροφοριῶν . Φασὶ δὲ οἱ γράψαντες περὶ τῆς μὲν καὶ ἑορτῶν Ἀθήνησιν , ὡς τὸ σκίρον σκιαδίων ἐστὶ , μεθ' ἧς φερόμενοι ἐξ Ἀκροπόλεως εἰς τίνα τόπον , καλέμενον Σκίρον πορεύονται ἢ τῆς Ἀθηνᾶς ἰερεῖα , καὶ ὁ τῷ Ποσειδῶνος ἱερῶς , καὶ ὁ τῷ Ἥλιῳ . κομίζουσι τῷτο Ἐποβυτάδει . σύμβολον δὲ τῷτο γίνεται τῷ δεῖν οἰκοδομεῖν καὶ σκέπας δὲ ποιεῖν , ὡς πάντες τῷ χρόνῳ αἰεὶς ὄντος πρὸς οἰκοδομίαν . καὶ Ἀθηνᾶν δὲ Σκιδάδα τιμῶσιν Ἀθηναῖοι , ὡς φιλόχορος μὲν ἐν β' . Ἀτθίδος ἀπὸ Σκίρα τινὸς Ἑλδσινίης μάντιος κικλῆσθαι . Πραξίων δὲ , ἐν β' . Μεγαρικῶν , ἀπὸ Σείρωτος . . . . . Σκίρος σκιαδίων . ἑορτὴ τις ἀγομένη τῇ Ἀθηνᾷ , ὅτε σκιαδίων ἐφρόντιζον ἐν ἀκμῇ τῷ καύματος . Σκίρα δὲ τὰ σκιαδία . οἱ δὲ ἐν δ' τῷτο φασὶν , ἀλλὰ δ' τὴν ἀπὸ Σκίρων Ἀθηνᾶν , ὡς Θεοδὸς ἐποίησεν , ὅτε ἐπαυρίετο ἀποκτείνας τὸν Μινώταυρον . ἡ σκίρα δὲ ἐστὶ γῆ λευκὴ , ὥσπερ γύψος . οἱ δὲ φασὶν ἀπὸ Σκίρων τῷ Ἑλδσινίᾳ μάντιος γινέσθαι τὴν ἐπαυριμίαν ταύτην . ἄλλοι δὲ ἀπὸ Σκίρα τῷ σωοικίσαντος Σαλαμῖτα . Scira Festum apud Athenienses , a quo & mensis Scirophorion appellatus est . Dicunt autem illi , qui de Mensibus & Festis Atheniensium scripserunt , Scirum Umbellam fuisse , cum qua Minervae sacrificula , & Neptuni solisque sacerdos ex Arce in locum quemdam , qui Scirus dicebatur , deducerentur : Eteobutadis \* Umbellam istam ferentibus . Ea autem res significabas , domos tunc & recta exstruenda esse , quod tempus illud aedificationi maxime opportunum esset . Et Minervam Sciradem Athenienses colunt ; quam Philochorus lib. II Rerum Atticarum , a Sciro quodam , vate Eleusinio , sic dictam esse tradit . Praxion vero , libro II Rerum Megaricarum ,

D 2

rum,

a Panathænae , Graecia Feriata , Lectio-  
nes Atticae .

b Familia nobilis apud Athenienses ex qua

lecti Sacerdotes a Eute Sacerdote sic dicta . Aristophanis tamen Scholiastes a Sacerdotibus Erechthei Regis delatam scribit .

rum, a Scirone quodam . . . Sciros Vmbella. Festum etiam in honorem Minervae celebrari solitum, eo tempore, quo ob summum aestum homines Vmbellas sibi parabant. Scira enim dicuntur Vmbellae. Alii vero festum hoc non inde sic appellatum esse ajunt, sed a Minerva, quam ex terra alba Theseus fecit, cum occiso Minotauro domum rediisset. Scira enim est terra alba, ut gypsus. Alii tradunt, cognomen hoc a Sciro quodam Eleusinio vate deductum esse. Alii a Sciro, qui in Salaminem colonos deduxit<sup>a</sup>. Copiose & absolute videntur haec dicta a Suida; Nihilominus pauca addenda sunt, nonnulla dammanda, obeloque fodienda. Ac primo Festum ejusmodi non solum in honorem Minervae, sed etiam Cereris & Proserpinae institutum contendunt alii. Meminit Festi hujus Polyaeus<sup>b</sup>: quo die quum Athenienses insignem & gloriosam victoriam ad Mantineam fuissent consecuti, ejus diei recordatio jucundior apud ipsos, atque sollemnior evasit<sup>c</sup>. Verno autem tempore, id est XII Scirophorionis, quare inconstantissime hoc dictum est a Suida ἐν ἀρχῇ τοῦ καύματος in summo aestu, vel in ipso aestus vigore celebrari, eamque ob causam Vmbellam eo die gestari. Mense Scirophorione nondum exacto, homines calore majorem in modum minime aestuare quis ignorat? Quod sane vel ipse advertere poterat, qui scripserat Vmbellae gestationem in eo Festo indicio esse tempus idoneum advenisse parietibus struendis, domibusque exaedificandis, quod unum ferventiori anni parte haud contigit, sed veris tempestate.

Postremo libenter assentior Meursio in eo festo Vmbellam fuisse albi coloris; quod tamen non ideo factum censeo, ut illa Simulacro Minervae a Theseo dedicato par esset, atque assimilis, sed quia hic color laetitiae causa adhibitus<sup>d</sup>. Non sum nescius Herodianum, Plutarchum, atque Arthemidorum<sup>e</sup> affirmasse veteres diebus luctuosis albis vestibus usos fuisse, & qui illis essent induti, moerentium speciem praebere: quod etiam indicavit, atque innuit Homerus, ubi de Patrocli funere<sup>f</sup>.  
Sed

<sup>a</sup> Tom. 111. Edit. Cantabrig.

<sup>b</sup> Lib. 111. Edit. cum Not. Vavior. Lugd. Batav. 1690.

<sup>c</sup> De Gloria Athen. Plutarch.

<sup>d</sup> V. Fecetium de re vestitaria lib. 1. c. xxiii.

<sup>e</sup> Herodianus Edit. Argent. 1662. 1v. 11. Plut. quæst. Roman. xxvi. Artemidorus Onco. voceritica 11. 111. Lutatius 1603.

<sup>f</sup> Illiad. 2. Edit. Lederlin.

Sed etiam cuivis pompae hilaritatis plenae, omnibusque apparatissimis spectaculis candida veste inter fuisse traditum est communiter a scriptoribus de Re Vestiaria <sup>a</sup>. Festiva Martialis carmina ( si tamen hic fas est ) testis loco recitabo <sup>b</sup>. Quamquam id mihi aliquam efficit suspensionem, ut minime a vero abesse tradam illorum sententiam, qui *Σείρω* Cereri sacram autumaverunt.

*Alba decet Cererem vestis, Cerealibus albas  
Sumite, nunc pulli velleris usus abest* <sup>c</sup>.

## CAPUT QUINTUM.

*Vmbellam nedum nostra memoria, sed ab ultimis usque temporibus velut insigne & indicium dignitatis habitam fuisse. Id vel maxime apud antiquissimos Persarum Primores. Quid reliquiae Persepoleos. Conradi Stiglizii sententia de Vmbellis, Statutis signisve Heroum adpositis. Jus deferendae Vmbellae a Senatu P. C. minime irrogatum. Vmbella num tegumentum capitis Despotae, & Procerum Byzantinorum? Praetoribus juri dicundo an concessa, atque data?*

**V**etus opinio est penè ab heroicis usque ducta temporibus dignitatem certis insignibus, atque indiciis sustentari exornarique. Nam quum ea a Tullio definiatur honesta cultu, & honore, & reverentia digna auctoritas; consentaneum est, ut qui summum, & altissimum gradum obtinent Civitatis, signis quibusdam sui adventus, & conditionis populum veluti admonerent, quibus hic percitus, observantia & obsequio illos prosequatur. Insignibus hujusmodi si Vmbellam annumeravero, rem & Scriptorum judicio, & praeclaris monumentis testatam affirmabo. Principio Persarum Reges ( ut ab ultimis quorum vestigia supersunt, auctoritatem repetam ) Vmbella usi sunt, qua

<sup>a</sup> Aditis libros, qui manibus omnium tenentur.

<sup>b</sup> Martialis 1 v. 11. Edit. Calder.  
*Speſtabat modo ſolus inter omnes  
Nigris munus Horatius lacernis,  
Cum plebs, & minor ordo, maximusque*

*Sancto cum duce candidus ſederet.  
Toto nix cecidit repente coelo:  
Albis ſpeſtauit Horatius lacernis*  
<sup>c</sup> Ovid. *Faſtorum* 1 v. ſimilia habet *Metamorph.* x. Edit. Amſt. 1727.

qua magnam speciem ac majestatem Regis declarari putabant. Nihil fortasse vetustius ruinis ruderibusque Urbis Persépoleos in magna & amoenissima planitie, non longe ab Araxe fluvio, quondam sitae, quae etiam num conspicientibus admirationem injiciunt. Urbem hanc magnificentia aedium regiarum insignem aetatem Alexandri M. antecessisse non obscurum opinor, neque absconditum. Columnas, peristilia, pyramides, toreumata, quae adhuc supersunt, viderunt diligentius, prae ceteris Chardin<sup>a</sup>, & Bruyn<sup>b</sup> in doctis peregrinationibus, quas ad eam regionem instituerunt. Quinque ea monumenta describant, aliquot anaglyphta oculis subjiciunt aere incisa, in quibus frequenter visitur Rex, seu alius quispiam ad amplissimum gradum in Vrbe elatus, servorum choro stipatus, atque in eo Ancillae duae, quarum altera Umbellam deferret, altera fetosa equi cauda, tanquam flabello, muscas abigit. Etiam quum in solio sederent ornatu regali, inter alia majestatis insignia, Umbellae solo infixas retinuisse ostendunt haec ipsa monumenta. Id autem ex eo repete, quod Reges illi potentissimi, qui se quavis in re praebant superbos, divinos affectarent honores<sup>c</sup>, vel quod assentatio vitiorum adjutrix voluntati, & arrogantiae Imperatorum blandiens, ejusmodi insignia lubens concesserit.

Sane quum de divinis honoribus, quos homines sibi impudenter tribuerunt sermo sit, hoc quaeri solere non me praeterit, num inter eos recensendae Umbellae, Sphaerulae, Lunulae, Patellae, quas veteres Statuis, signisque Heroum adposuerunt. Qui de his scripserunt tanta sunt in varietate, & diffensione, ut eorum molestum sit dinumerare sententias<sup>d</sup>, *Mibi quidem*

<sup>a</sup> Voyages de Perse par Mr. Chardin.

<sup>b</sup> Voyages de Corneille Bruyn, tom. iv. Chap. 211.

<sup>c</sup> V. Hyde de Religione Persarum Oxonii 1704. Persarum Regum arrogantiam, qua Divinitatem sibi tribuebant prae ceteris declarat illud, quod Sapor de se ipso apud Annianum lib. xvi. Rex Regum Sapor. Particeps Syderum; Frater Solis, & Luna. Quod ex eorum religione derivandum: quum nempe Altra potentissimum cogerent, eorum primis & maximis se se aequabant; perinde ac Romani quidam Imperatores se Jovi & Herculi assimilabant, quos priores in senatu Deorum rebantur.

<sup>d</sup> Salmuth in notis ad Panielrolum de Reb. memorab. tit. xlii. morem Umbellae statuarum capitis adponendi profluxisse scribit, ut ea ab temporum insurris ista recta essent, neve ab avibus conspicerentur; habere autem in ea opinione stipulatorum Sealigerum. Horum sententiam prae ceteris improbat, refutatque Clampusius Vetera Monumenta part. 1. cap. xlii. qui perperam in hunc locum accessit docet Aristophanis & Horatii irrisum. Nonnulli a Mose ejusmodi auribus aspicatur. Plura qui desiderat adeat Cl. Sebastianum Paulium Differtat. de nummo Aureo Val. tit. pag. 9. & seq. Luca 1723.

quidem satis idoneus auctor Conradus Stiglius in Dissertatione de Lunatis Veterum Gentilium insignibus<sup>a</sup>, cujus iudicium, ut existimo, difficile factu est non approbare. Quantum quidem ego arbitror (ait ille) has Lunulas tanquam divinitatis signa, maiestatem aliquando conciliando dumtaxat habuerunt Gentilium sapientiores. Quemadmodum autem lunularum cornua ad coelum spectare solebant; sic etiam veteres ea invertere, statuarumque capita hoc modo ambeunt, Lunulas μωνικας nominare coeperunt. Quam consuetudinem ex illo Homeri totius Idololatria patris loco, tanquam ex fonte emanasse egomet censeo, ubi aurea nube caput Achillis circumsepire dignata est Minerva, atque hinc quoque puto Latinis dicuntur Nimbi. Divina ergo originis fuit iste mos, qui in efficiendis Coelestium Deorum simulacris, hac potissimum de causa observatus videtur, ut capita eorum tecta, & quasi pileata forent: inopertum enim caput signum olim fuit humilitatis, ac proinde ab excelsitate Deorum abhorruit. Harum Umbellarum & μωνικας vetustatem demonstrare, & num ab Ethnicis ritum hunc mutuati sint Christiani, in quorum multis ac monumentis frequens visitur orbiculus & lunata Umbella; an potius illum e Christianae Historiae fontibus hauserint, narratione supersedeo, quum ea de re plena manu jam dixerit Johannes Nicolai<sup>b</sup>. Quae vero maxime notanda sunt in Nimbis inferioris aevi illustravit vir summa & praecellenti eruditione Anselmus Costadonius<sup>c</sup>, quo cum mihi omnia amicitiae, & familiaritatis jura intercedunt. Nunc quae restant de Umbellae dignitate.

Eam amplissimo ordini Patrum Conscriptorum, qui Rempubl. administrabant datam atque concessam legimus apud And. Tiraquellum G. D., eo loco, quo agit de Senatorum splendore, atque ornamentis: Tantaeque dignationis fuisse, inquit, sequutis temporibus, ut in oppidis per loca & conventus Umbraulis uteren-

tuur

<sup>a</sup> Erfordia 1749. §. 1. Fabreus utique Umbellas putat additas in divinitatis, maiestatisque indicium illorum statuis, quos Ethnici supra mortales evedos credebant suspiciebantque; at illi persuasum fuit rem derivandam ab illis velaminibus, quibus olim Deorum, & Consecratorum hominum capita amiciebantur. De Columna Trajani cap. 12. Idem ferme sentit Paulus mox

laudans. Ragionamento sopra il titolo di Dio dato agli Imperadori. Lucae 1722.

<sup>b</sup> Joh. Nicolai Disquisitio de Nimbis Antiquorum Jenae 1699.

<sup>c</sup> Observationes in Graecam pervevutam Iconem ligni SS. Crucis. Florentiae 1749. Symbol. litterar. Volum. 111.

*tur indultum sit* <sup>a</sup>. At Tiraquelli fides ex illo imminuitur, quod ea res siletur, si recte memini, ab his omnibus, qui Reip. temporibus vixerunt, & Senatorum insignia posteris indicarunt. Adde huc, quod testem nullum ex antiquis producat: non tabulas, non acta Senatus, non legem ullam proferat. Senatorum, ut ait Tullius, erant Toga praetexta, & Sella Curulis, Tunica Latoclavo purpureo intexta, Calcei Lunati; cum binis Licioribus legationes obire; primos ubique subselliorum gradus, & pulvillos obtinere. Et Senatores, qui Curules Magistratus gessissent, curru in Curiam honoris causa vehebantur, ceteri pedibus itabant <sup>b</sup>. Sed de Vmbella nulla commemoratio antiquitatis, nulla exemplorum prolatio; quod nec quidem reperio in novissimo Tractatu Congersii Middletonii, hominis secundissimae in orbe famae, cui etsi nonnulla memoria excidant <sup>c</sup>, Senatorum tamen privilegia omnia perspecta fuerunt. Ego itaque suspicor Tiraquellum, ut solet, hallucinari, & illi fucum fecisse nonnulla Dionis verba, quibus docet Caligulam Senatoribus caussias Thessalicas in Theatra ferre permisisse, ne insolatione torquerentur. *ὁ πῖλος σφίσι τὸν θεταλικὸν ἥσπον ἐς τὰ θεᾶτα φορεῖν, ἵνα μὴ τῇ ἡλιάσει παλαιωρῶνται, ἐπιζῶπῃ. Vsumque Pileorum Thessalicorum concessit in Theatris (Senatoribus) ne solis ardore laborarent* <sup>d</sup>. Haec forte ansam dedere errori, ut Tiraquellus birrum, pileum, caussiam pro Vmbella acciperet. Quamquam neque hoc satis illum excusat, quum Dio de Theatro dumtaxat verba faciat.

Sed postquam M. Constantinus, devicto penitusque subacto Licinio, Constantinopolin Imperii sedem delegit, eamque Romam alteram appellari voluit; Graeci omnes, qui ei succedere Imperatores ibidem (donec divino ulciscente Numine illinc pulsi) domicilium habuerunt. Verum Aulae Constantinopolitanae ritus, caeremoniae, officia, quam diversa ab his, quae

Romae

<sup>a</sup> *Dierum Genial. Alexandr. lib. 1v. c. xi. Edit. Wechel.*

<sup>b</sup> *Aulus Gellius lib. 11. cap. xv 111. Edit. Gronov.*

<sup>c</sup> *Del Senato Romano trattato di Conyers Middleton trasportato dall' Inglese. Venezia 1748. De his, in quibus tibi aliquando videtur*

Middletonius, etsi ad libros conscribendos diligentiam & industriad contulerit multam, ad Jacobi Tunstall epistolam ad Con. Card. Cantabrigiae 1741.

<sup>d</sup> *Roman. Histor. lib. 21x. Recensio. Xylandri, edit. Henric. Stephani 1591.*



## ( XXXIII )

Romae quondam in Augultorum aedibus observata, & custodita perhibentur ! Frequens illic *Sciadii* mentio . Quid fuerit, quibusque viris illo uti concessum, nunc exquiram . Splendide haec disseruntur a Georgio Codino Curopolata <sup>a</sup> . Notatione praecipue digna quae ille habet cap. 111 de *Tegumentis capitis* &c. τὸ περιάλυμμα τῆς κεφαλῆς τῷ δεσπόει τὸ καλῶμενον σκιάδιον, ὁ λομέργαρον . ὁ αὐτὸς ἔχει ὀνόματα τῷ φορέντος αὐτὸ, χρυσοκλα βαρικόν, συρματίον . *Tegumentum capitis*, quo *Despota* utitur, quod *Vmbella* seu *Vmbraculum* appellatur, totum ex margaritis constat . *Umbo*, seu ambitus praefert nomina ejus qui gestat illud, *auroclavatum*, *fimbriatum* . Quae si paullo obscura videntur, plana & aperta evadunt egregia J. Gretseri commentatione . Σκιάδιον ad verbum est *Vmbella*, seu *Vmbraculum*; *tegumentum capitis*, breviter, *pileus*; quo nomine in versione praecipue usus sum . Aer *Sciadii*, seu *pilei*, est *umbo* . Junius ubique vertit *Replum* . Aliam insuper notationem habet ὁ αὐρ, significat enim velum, seu *tegumentum*, quo sancti teguntur <sup>b</sup> . Χρυσοκλα βαρικόν . Junius hic & alibi saepius edit χρυσοκάδαυκα, & aureas virgulas interpretatur . Sed lectio nostra recta est ..... vel si mere Latinam dictionem velis; *Auriclavus*, seu *auriclavatus* . Erant autem aurei clavi in vestibus segmenta quaedam in formam clavorum efficta, ornatus gratia vestibus addicta . Συρματίον . *Fimbriatum*, a *syrmate*; quo nomine intelligo utrinque dependentia a *Sciadio*, seu *pileo* quasi reticula, seu funiculos . χρυσοκλα βαρικόν, συρματίον, ut non referantur cum Junio ad voculam ὀνόματα, sed ad ipsum *Sciadion* . Ex quibus intellectum puto *Sciadion* istud non *Vmbellam* fuisse, de qua agimus, sed *Pileum* . *Sciadii* autem formam fastigiatam, & in conum assurgentem demonstrant schemmata Imperatorum Byzantinorum adjecta editioni Basileensi Nicephori Gregorae <sup>c</sup> . Nihilominus quemadmodum *Vmbella* splendoris dignitatisque causa perferebatur, simili ratione etiam *Sciadion*, sive *Pileus* hujusmodi capiti imponebatur, ab aulae Optimatibus . Sunt haec scripta apertissime

E

me

<sup>a</sup> De officiis & officialibus magnae Ecclesiae & Aulae Constantinopolitanae . Cum observationibus Jacobi Gretseri . Parisius 1635 .

<sup>b</sup> Testem dat Joann. Chrysostomum in Liturgia .

<sup>c</sup> Basileae 1563 . sunt autem Theodori Lascaris, Michaelis Palaeologi, itemque Androniae . V. etiam Bandurium . Antiquit. Constantinopol. lib. 1111 .

me ab eodem Nicephoro . Περι γέ μιν τῆς ἐπὶ κεφαλῆς καλύπτ-  
 ῆας ἐπὶ μὲν τῷ πρότερον βασιλείων ἔθος, τὴς μὲν χρόνῳ ἀρβυβη-  
 κότας ἐν τοῖς βασιλείοις χρῆσθαι καλύπτῆας, πυραμίδοις μὲν ἐχά-  
 σαις σχῆμα, Σηριακοῖς δ' ἐνδύμασι καὶ τὸ ἀνάλογον ἐκάσθ' ἀξίωμα  
 καλύπτομεναις . Quod ad capitis tegumentum attinet, apud superio-  
 res Imperatores moris erat, ut aetate provectiores Aulici proceres pi-  
 leis pyramidatis uterentur pro dignitate cuiusque<sup>a</sup>. Proceres vero  
 hoc loco nonnisi eos, qui Despotae titulo insigniebantur, ar-  
 bitror indicari. Erant ii Filii, Fratres, Generi Imperatoris<sup>b</sup>.  
 Dum vero ceteros aulicos praestantiores nomino, Magnum  
 Ducem, magnum Domesticum, Logothetam, Stratopedar-  
 cham, Primicerium, Protovestiaritam, Protosebastum, Pri-  
 mum Secretarium &c. intelligo, quorum capitis tegmen ad  
 Schiadii formam accedebat. Quibus jus esset utendis Sciadiis  
 docet Codex Mss. Bibliothecae Regiae sign. 2023.

Toto hoc in genere id reliquum videtur, ut inquiram an  
 Praetori, in quo summa auctoritas, & amplitudo, Umbella  
 concessa atque data sit; est enim locus Manilii Boethii, qui ad  
 conjecturam aliquam faciendam fortasse pertinet. Is namque  
 de *Disciplina Scholarium* haec habet. Similiter Praetoris Suburba-  
 ni filium canicula instigante litteris vidimus mancipatum; cum au-  
 tem SOLITA non gauderet UMBELLA, propria virtute destitutus, icte-  
 riciae poena permollitus, vitalibus tandem spiritibus attenuatus, lym-  
 phatico morbo occubuit<sup>c</sup>. Sed totum hoc, quicquid est, quan-  
 tum ego quidem intelligo, maximas legenti injicit difficulta-  
 tes, neque quod propositum erat, satis expedit. Ac primo li-  
 brum hunc non recte Boethio tributum, opus ne est ut pro-  
 blem? nota res. eruditisque viris plane testata longe post Boe-  
 thii aetatem scriptum, & credulitate inscitiaeque quadam, po-  
 tius quam dolo ac fraude, inter ejusdem opera fuisse evulga-  
 tum<sup>d</sup>. Insuper, non de Praetore ipso, sed de ejus Filio sermo  
 hic

<sup>a</sup> Lib. xi. in fin. Usitatum id apud Orienta-  
 les; quo adducit potest illud ex Historia Petri  
 Patriicii in *Biblioth. Byzantin. Scriptor.* tom. 1.  
 ὅτι Δικίβαλος πρὸς Τραϊανὸν πρίσθις ἱερμψ  
 πικροφύς ( οὗτοι γὰρ ἱεροὶ παρ' αὐτοῦ αἱ τιμίαι  
 τιμαί ) Deceraius misit ad Trajanum legatos  
 ex his, qui pileos ferunt hi enim apud ipsos Par-

thos sunt honoratiores .

<sup>b</sup> Balengerus de officiis & dignitatibus  
 utriusque Imperii lib. v. § 1. cap. 1. πάλιν non  
 semel appellat Catacuzenus lib. 11 f. cap. xxv 11.

<sup>c</sup> Lib. 1. cap. 1. Edit. Basileens. 1570.

<sup>d</sup> V. Fabricium Bibliotheca Latina tom. 11.

hic est, qui quamvis Vmbellam gestare *conſueverit*, id minime praeſtabat honoris ergo, velut homo ex familia in altiffimo dignitatis gradu poſita, ſed ut aëris intemperiem (& quemadmodum perſonatus hic ſcriptor ait) *comburentis aeſtatis profunditatem* defugeret. Locus itaque revocandus ad ea Vmbracula, quae in peregrinationibus, aut deambulatione, adipiſcendi commodi cauſſa, deportabantur, de quibus mox dicere aggreſſiar<sup>a</sup>.

## CAPUT SEXTUM.

*Vmbellae in Theatrum penes Romanos aduſtae. Ex Campanorum lau- titia morem profluxiſſe Uſus Vmbraculorum in Deambulatione. Ovidii, Martialis, Claudiani, & Ariſtophanis carmina, quae eo adducuntur. Similiter in Peregrinationibus, ac Venatione. Sponſii iudicium de Mercurii Peſaſo refellitur. Nummus ΑΙΤΩΛΩΝ quid referat? Servi Inquilini apud Graecos Vmbellae deferendae addiſſi.*

**N**Ullum in Romanorum educatione atque diſciplina tam ſollemne, tamque frequens praeceptum, quam illud, quo ſcientia rerum perferendarum tradebatur. Quare optimis Reip. temporibus cibi minimi, & vulgares, frequentior pul- tis uſus, quam panis, veſtes pellitae, & incomptae, dolorum contemptio, laborumque perpeſſio laudatiſſima. Romanum erat nec toro quidem cubare, niſi humili & modice inſtrato; in aprico ſpatiari; capite nudato apertoque incedere, aut ve- ſtis laciniam vix in caput rejicere (quod ceteroquin Petronius vicio vertit Trimalcioni)<sup>b</sup>; ut his laborioſis exercitationibus, quemadmodum ſcribit Tullius, ſi dolor incurreret nonnum- quam, ipſe labor quaſi callum obduceret dolori. Sed quum

E 2

natio

<sup>a</sup> Expoſui fere, ut potui, quae maxime ad Vmbellae dignitatem pertinere arbitrabar. Vnum etiam ſortitae reſtat: quanam ſignificatio ſubſit Vmbellae *Inſignibus Gentilitiis* quando- que adjectae. Calli, Germanique Scriptores, qui de Stemmatum ratione, vulgo *Blafone*, diſputant, nihil habent, quod excribam; ſed

inter Italos Eques Beccianus nonnihil adnotavit in ſuo *Arzaldo Veneto* pag. 192. l' *Ombrella di vermiglio in campo d' argento ſimboleggia Dominiſio, e Autorità indipendente, e Diſſeſa di vera Amicitia.*

<sup>b</sup> In Convivio Trimalcion. Pallio concinno *abſtruſum incluſerat caput*. Edit. Burmanni.

natio illa fortissima coepit mollissimis cogitationibus effeminari; quicquid erat boni moris levitate, lautitia, & politura corporum, veluti exstinxit<sup>a</sup>. Atque tum potissime doluit Respublica quum videret cenas portentissimis ciborum generibus apparari, pecuniam omnem pretiosis vestimentis conquirendis effundi, totamque exterorum luxuriam in Latium migrare<sup>b</sup>. Hinc qui primum in Theatro stantes ludos spectare<sup>c</sup>, & sub dio esse<sup>d</sup> consueverant, modo vela superduci arcendo aestui, & soli jussere. Sed unde id Romam advectum? Ex campanorum consuetudine, quorum maximum in Scenicos ludos studium fuit, atque Q. Catulum in AEdilitate sua adduxisse referunt Valerius Maximus<sup>e</sup>, Plinius<sup>f</sup>, Ammianus<sup>g</sup>, quorum primus haec habet. *Religionem Ludorum crescentibus opibus mox secuta lautitia est: ejus instinctu Q. Catulus Campanam imitatus luxuriam, primum spectantium confessum velorum umbraculis sexit. At quae ego cursim perstringo, jamdiu rerum delectu copiose, & verbis ornatissimis Cl. Mazocchius, aureo sane libro, complexus est<sup>h</sup>. Lautitia vero eo processit, ut vela haec aliquando carbasina, vel serica essent<sup>i</sup>; & a Xiphilino accepimus, Nerone imperante, vela purpurea stellis aureis interstincta* Thea-

<sup>a</sup> Seneca Quaest. Nat. cap. viii. Amestelod. 1673.

<sup>b</sup> Pertinent huc Leges Sumptuariae, quae scilicet sumptus finem modumque statuunt salutis Republicae attemptatum, ut Lex Orchia, Fannia, Dilia, Licinia, Cornelia, Aemilia &c. V. Dissertationem Politicam Joh. Tilemann Schenck, de Legibus Sumptuariis. Marburgi Cattorum 1724.

<sup>c</sup> Populum aliquandiu stantem ludos spectasse tradit Livius lib. xlvii 114 ant. si fuere gradus, caespitibus erant. Ovid. de Arte lib. 1.

In gradibus sedis populus de caespite salit.

<sup>d</sup> Johannes Chrysostomus de Theatro Constantinopolitano, summa dicendi vi, Ethnorum potentiam, imo insaniam miserans: ἡ ἰσχυρὴ ἰσχυροτέρῳ οὐκ ὀρίει ἰσχυροτέρῳ τῶν πρῶτον, εἰ πλείους πολλῶν ἑμβρῶν καταφύσσονται. ἡ αὐτὴ μὲν τὸ ὄψωρ αἰς ἑφῆς ῥιγίεντος ἰσχυροτέρῳ μαινομένη. Et quidem in circo ubi non operit superpositum tellus plurima pars imbres decedens tollat, & ventum, a quo imber in cultum ventilatur. (Hemil.

quod non sit contemnenda Ecclesia. Edit. Parisien. Montfauconii.)

<sup>e</sup> II. iv. Leidae 1726.

<sup>f</sup> xix. 1. Edit. Harduini 1741.

<sup>g</sup> xv. xiv. Lugdun. Batav. 1693.

<sup>h</sup> Commentarius in Mutulum Campani Amphitheatri Titulum. Cap. viii. Neapoli 1727.

<sup>i</sup> Vela Carbasina quae primis in Theatro duxit Lentulus Spinter commemorat Plinius loc. cit. Sed Dio lib. x. dum enumerat res gestas a Nerone his diebus, quibus Tiridati Armeniae regnum concessum est, sic scribit: Ταῖς μὲν παρασκευαῖς τὰ δὲ τῶν αἰγῶν διαταβήματα, ὥστε τὴν ἡλιον ἀνιόντα. ἀνιόντα δὲ, ἡ ἰσχυρὴ αὐτῶν ἄρμα ἰσχυροτέρῳ ἰσχυροτέρῳ. Περὶ δὲ αἰγῶν χερσὶ ἰσχυροτέρῳ. Vela in aere extensa, ad arcendos Solis ardores, purpurea erant: Horum in medio Nero acupiscus currum agitabat: circa hunc undique stellae aureae resulgebant. Quae verba descripsit Xiphilinus in Nerone pag. 186. Edit. Henric. Steph. 1592.

Theatrum obtegisse<sup>a</sup>. Sed quum ventus, incerta sui redundantia, antennas in altum erigi, his vela alligari, expandi, funibusque sustentari non raro vetaret, vel nimium fluitantia vela solem admitterent, tunc certe alio quodam tegumento Romanos usos fuisse ostendunt Martialis carmina<sup>b</sup>; a quo etiam didicimus hoc tegumentum Vmbellam extitisse.

*Accipe quae nimios vincant Vmbracula Soles*

*Si licet, & ventus, te sua vela tegant<sup>c</sup>.*

Quae verba apertius explanat Domitius Calderinus: *Vmbella erat exiguum tentorium, quo singuli regi poterant, unde diminutivum accipit ab umbra: Usui erat cum flante vento spectacula edebantur in Theatro, nam vela superiora omnibus communia agitata solem admitterebant. Tua vela, idest tua Vmbella<sup>d</sup>.*

Atque hoc in genere mirum mihi non videtur, quod hi, qui cuticulae curandae erant studiosiores Vmbella similiter uterentur in deambulationibus. Ovidius ubi Herculem irridet in amore apud Omphalem misere haerentem, illum Vmbraculo quodam Solis aestum ab amasia arcentem describit<sup>e</sup>.

*Aurea pellebant tepidos Vmbracula Soles,*

*Quae tamen Herculeae sustinere manus.*

Alio loco amatorem hortatur, ad captandam puellae gratiam, ut apud eam hoc ministerii & officii obeat genus<sup>f</sup>.

*Ipse tene distenta suis Vmbracula virgis;*

*Ipse face in turba, qua venit illa, locum.*

Adde huc & illud Martialis<sup>g</sup>.

*Vmbellam luscae Lyde feras Dominae.*

Neque reticere possum Claudianum, qui ejus moris apud Romanos meminit lib. I. in Eutropium Eunuchum.

\* \* \* \* \* *jam non Vmbracula gestant*

*Virginibus* \* \* \* \* \*

Tum etiam de IIII. Consulatu Honorii, Imperatorem magnopere hortans ad bellicos labores omnes perferendos, & ad delica-

<sup>a</sup> Quod modo enarravimus.

<sup>b</sup> In Pompejano testis spectabo Theatro,  
Nam populo ventus Vela negare solet  
lib. VI. Epig. XXIX.

<sup>c</sup> Lib. IV. Epig. XXVIII. Edit. cum Not.

*Varior.*

<sup>d</sup> Ad hunc locum.

<sup>e</sup> Fastrum II.

<sup>f</sup> De Arte II.

<sup>g</sup> Lib. II.

licatorum mollitiem atque teneritatem fugiendam, ita alloquitur.

*Neu pluviis cedas, neu defensura calorem*

*Aurea summoveant rapidos Vmbacula Soles.*

De Graecis non dubito quin eadem de causa suas Vmbellas praesto haberent. Certe actor ille apud Aristophanem, ΟΡΝΙΘΕΣ, dum sub dio spatatur, Deorum suorum Providentiam ad ridiculum convertens, servum sic affatur.

*πρὶ λαβῶν μὲν τὸ σκιάδειον ὑπερεχέ*

*ἄνωθεν, ὡς ἂν μὴ μὲν ὀρώσιν οἱ θεοί*

*Hanc accipe Vmbellam, atque sustine*

*Supra me, ne me conspiciant Dii.*

Peregrinationibus tandem & Venationi quum veteres indulgerent, ut umbram aliquam sibi factitarent, natura ipsa edocebantur. Sane Mercurio, qui Deorum nuncius habitus est, Petasus concedebatur, seu galericulus, cujus alae umbram projicerent, ne his, quae aestuosa ac pulverulenta quandoque via conficiebat, itineribus nimium defervesceret; seu, ut est apud Arnobium: *Cum Petaso Gnatus Majae, tanquam vias aggredi praeparet, & Solem, pulveremque declinet*<sup>a</sup>. De hoc tegumenti genere egimus eo libro, quo Mercurii insignia a nobis illustrata sunt<sup>b</sup>. Sed a Sponio recedimus, quod nimium tribuere videatur auctoritati Alberici Philosophi, qui Mercurii Petasum Vmbellam vocat<sup>c</sup>; Qua de re multo plura erunt a nobis inferius dicenda: perspicuum siquidem illum vocabulis abuti, dum Pileo parem facit Vmbellam. Vtriusque figuram dissimilem extitisse, ut est hodieum, res ipsa eloquitur. Quocirca galericulos hujusmodi peregrinantium, latos, atque distentos, non Vmbellas, sed *Pileos umbellatos* cum Milzovio<sup>d</sup> appellabo. Recensuimus praeterea, eodem libro Nummos duos, alterum apud Aetolas, alterum apud Cyrenaeos percussum<sup>e</sup>.

In

<sup>a</sup> Lib. vi.

<sup>b</sup> Citat. initio praefationis.

<sup>c</sup> Recherches Curieuses d'Antiquitez. Disser. xxix. a Lyon 1683.

<sup>d</sup> Jani, Milzovii Pileus Libertatis Habsburgae

1688.

<sup>e</sup> Vtrumque divulgavit Laurentius Begerus. Observations & Conjectures in Numismata Coloniae Brandenburgicae 1691.



In priori Apollo est venatoris more indutus, armisque instructus, sed utpote flavicomus & delicatulus, secus ac ceteri venatores, qui, teste Tullio, in montibus se uri patiuntur, pileum valde amplum pone humeros desert ad Solis aestum arcendum. In altero Apollo equo vectus Petaſum eodem modo deportat. Tertius latine loquens addi posset *Caesaris Augusti F.*, in cujus postica parte Apollo psallicitharista in propatulo loco saxo insidens pileum habet post terga rejectum, quem, si fas erit, capiti imponat. Verum haec tegumenta, ut ante aiebam, improprie Umbellis accensebis; hoc tamen adnotabo Sebastianum Ericium<sup>a</sup> censuisse non pileum, sed *Arcum* esse, qui ad terga Apollinis dependet. Sed qui ita judicat, nimum aut nimis detritum, aut parum considerate intuitus est. Optimi typi est, quem hic proferimus, atque explicaturis, quae manifeste in oculos incurrunt, totiusque circuitus forma, pileum esse nemo non videt. Desumpsimus autem ex archetypo in Museo Apostoli Zeni, magno ingenio viri, imprimisque clari, a quo ad haec studia eruditi atque docti fuimus<sup>b</sup>.

Ac si jam placet Graecorum cognoscere arrogantiam, quantopere fama, amplissimisque fortunis abuterentur, animum advertamus a quibus illi Umbellas deferri jubeant. His, qui e peregrina quavis regione Athenas adveniebant, perpetuum domicilium in Vrbe habere abs Areopagitico Concilio permittebatur, & *Μέτοικοι Inquilini* vocabantur. Verum ita infimorum hominum genus hoc censebatur, ut inquilinis nullo publico munere defungi concederetur; imo nec proprio nomine negotia obire; quare in Civis alicujus clientelam ac patrocinium

<sup>a</sup> Discorso sopra le Medaglie. Venezia 1559.

<sup>b</sup> Obiit is magno cum bonorum omnium more, & litterariae Reipb. damno 17. Non. No-

vembr. 1602. aetate almodum proecta, in honore apud omnes habitus.

cinium se conferre ac comittere oportebat<sup>a</sup>. Varia ab hoc novo servorum genere obsequia & munia exigebant Athenienses, atque inter alia, ut eorum Virgines Matronis Umbellas deferrent, maxime quum Spectacula ederentur. Legimus haec disertissime apud Aelianum. Ἀθηναῖοι δὲ ὕβρισαν καὶ ἐκείνην πρὸς ὕβριν. Εὐτυχίας γὰρ λαβόμενοι, πρὸς εὐπραγίαν σωφρόνως ἐκ ἡρέκας. Τὰς γὰρ παρθένους πῶν μετόικων σκιασφορεῖν ἐν ταῖς πομπαῖς ἡνάγκαζον ἑαυτῶν κόραις τὰς δὲ γυναῖκας ταῖς γυναῖξιν, τὰς δὲ ἀνδρας σκιασφορεῖν. Athenienses vero etiam hanc exercuerunt insolentiam. Nacti enim meliorem fortunam, non tulerunt modeste illam felicitatem. Inquilinorum itaque puellas adigebant, ut Umbellas suis mulieribus in pompis praesferrent, viri vero in iis Scaphas gestarent<sup>b</sup>. Fuisse autem apud Romanos inter Ancillas ac famulas eam cujus hoc officium praecipue esset praenobiles Matronas insequi, umbellamque gestare, memorat Pignorius in commentario de Servis. Sed satis jam his immorati sumus; pergo igitur ordine, quas proposui, ceteras disputationis partes explicare.

## CAPUT SEPTIMUM.

*Umbellarum usus in Balneo Subdiali. Figurae, & imagines, quibus obducitur extima Etrusci Vasis superficies, partite explicantur. In antica ejusdem facie Umbella. De Flabellis, & Muscariis opportuna digressio. Vas ipsum oenophorum, & potatorium fuisse. Num Umbellae usus ab antiquissima Etruscorum gente ad Romanos dimanarit?*

**N**Olam Campaniae Urbem, ante paucos annos quum divertissem, antiqua illius monumenta contemplaturus; nihil fuit quod jucundissima oblectatione ita me raperet, quam amplissima collectio operum Figulinorum, quae ingenti sane expensa Vir Patricius, idemque humanissimus Felix Mastrilius conquisivit, atque comparavit. Dies me deficeret si ingentem illam suppellectilem susciperem verbis, diligenterque describendam

<sup>a</sup> Aristot. Politic. lib. I. c. 2. Parisi 1654. <sup>b</sup> Varia Historia lib. VI. cap. 1. Edit. Gronovii 1731.



bendam: innumera enim pene sunt vascula cujufvis generis, crateres, cyathi, amphorae, malluvia, paterae, dijotae, atque omnia egregiis picturis praestanti elegantia, & pulchritudine Saguntinis, Corinthiacis, Samiisque fere anteposenda. Horum pars magna vel in cretifodinis, vel in agris a fossoribus, non procul ab Vrbe ipsa, reperta est; ut facile animum inducas ad credendum Figularem officinam, eamque eximiam ac Collegium Vasculariorum Nolae quondam extitisse<sup>a</sup>. Ex hac praeclara collectione *Sextarium* potatorium describendum accepimus, quod in ipsa libri ingressione lectori conspicendum damus, utpote quod de Umbellae usu in Balneis indubitato modo admoneat. Tota ipsius superficies figuris, rebusque obducitur, quae varia Balneorum instrumenta patefaciunt, commode disposita eorum gratia, qui lavatum veniunt.

Prima facies ante oculos hominem proponit Vmbaculum deferentem, cum immissis utrique brachio Armillis, qui recta contendit versus Mutulum quemdam, cui Abacus impositus est. Porro multae in Thermis extabant hujus generis mensulae, sive ut vestes insternerentur<sup>b</sup>, sive ut superponerentur elaeophora, & gutti unguentarii, quorum tanta apud veteres profusio. Pone hunc hominem Caudex aut faxea moles, cui insideret longa statione defatigatus. Hinc ansulae duae parieti inhaerentes, e quibus praelongum illud Sudarium dependet. Altera Vasis facies hujus actionis exitum, reiue absolutionem minutim exhibet, ut nullum ferme sit monumentum, quod ita omnia eleganter, enucleateque patefaciat. Vir ille e Balneo

F egres-

<sup>a</sup> Genus hoc vasculorum Thuscanicum dici a solet; cujus quidem cognominis ea causa esse potest, quod vasa ficta luto in Etruria primum (quam de Italia est sermo) coeperint elaborari. Plinius lib. xxxv. cap. xi. Sunt qui in Samio primos omnium Plasticen invasisse Ræchum & Theodorum tradunt, multo ante Bacebidas Corintho pullos. Demaratum vero ex eadem Vrbe profugum, qui in Etruria Tarquinium Priscum Regem Pop. Romani genuit, comitatos pictores Euehira, & Eugrammum, ab iis Italiae traditam plasticen. Debutatis inventum est rubricam addere. . . . Praeterea elaboratam hanc artem Italiae, & maxime Etruriae. Quae in conviviliis apponebantur, hujus-

modi fuisse ex Juvenali Sat. xi. discimus

*Ponebant igitur Thusco sarrata Catino  
Omnia tunc.*

Etrusca eadem appellari possent monumenta fictilia, quae in agro Nolano reperiuntur, quod Urbem illam. ab Etruscis conditam scribat Velicius Patereculus lib. i. cap. vii. *Argentorati* 1652.

<sup>b</sup> In Thermis manufactis vestes in Spoliatorio, sive Apodyterio exuebantur, deputatis ibi pueris, vel capfarlis, qui eas servarent, nam quamvis fures Balnearii morte pederentur, eorumque furtum per sacrilegio haberetur; tantae eorum insidiae, ut facile vestes subriperentur, ni custodiendae caute tradebantur.

egressus, arrepta ambabus manibus Mappa, posterganeam corporis partem abstergit exsiccatque. Sed extrema lintei ora, ne humi repens fordescat, unco utrinque suspenditur columnae immisso. Dextrorsum vero Abaculus alter visitur, seu potius Monopodium, fulcro terrae confixum, quod ipso in Balneo facile loco moveri transportarique possit. Huic proxime parva rudisque strues, quam si spongiam dixerō, facile consentient, qui supellectilem Balneariam in ejusmodi vasculis non raro depictam viderunt<sup>a</sup>. Sinistrorsum Cippus columellae in modum, sive imus columnae scapus cum stylobata: nescio quid desuper jacet, quod indusium involutum, aut tunicam complicatam haud aegre credam<sup>b</sup>. Quid dicam de Pertica, quae ultra columnam erigitur, & recta prominet? quid de Trochlea transverso ipsius jugo colligata? consulto haec adjecta, quo amplum illud Sudarium facile in sublime attolli, & in modum veli obtendi posset; atque sub eo umbraculo consideret, qui illic lavari statuerat. Quorsum enim funiculus ille, qui a laeva hominis dependens, nisi ut ejus ministerio pannus linteus constringi & altius efferri liceret? Sane in hanc sententiam ratio ipsa nos ducit nam si, more antiquo, in Balneo subdiali nos esse oporteret, velis quibusdam umbram parare, natura ipsa impelleremur. Superest, ut de Disco globulis circumquaque exornato, qui eminet, capulo suo vel inter vestium plicaturas, vel in columnam infixo. Non ego hic quidpiam de Patera excogitabo, qua *Genio Fontis*, aut *Deo Loci Custodi*, sacrificaretur, & lotionē percepta, libamenta funderentur. Neque speculum, quod aliis placet hic deprehendo. Quamvis specula per summam luxuriam gemmis perornarentur<sup>c</sup>, attamen scabritiem & asperitudinem in tota hujus instrumenti area percipio, ut qui illo uteretur, nec sui speciem possit intueri, neque illud sibi in consilium adhibere. Quid itaque? *Flabellum*  
esse

<sup>a</sup> Exstat in Bibliotheca Cl. Reg. SS. Apostolorum Neapoli Vas Thufcanico artificio, in cuius antica parte, hinc Vir pallio obvolutus strigilem manu tenens, inde Mulier Spongiam Viro porrigens; in postica Concha, & Guttus. Huic fere simile est apud Gorium.

<sup>b</sup> Ex his quae mox diximus, in altera adno-

tatione.

<sup>c</sup> Seneca sui temporis lautitiam reprehendens. *Quaest. Nat. lib. 1. cap. xvi.* *Specula gemmis adornata sunt, & pluris unum ex his Feminae consistit, quam antiquarum dos illa, quae publice dabatur Imperatorum pauperum liberis.*

esse arbitror (cujus imago perfrequens in vasculis Tuscanici operis) quo ventilatio fieret aestu anni flagrante ad caloris incommodum propulsandum vultumque refrigerandum, sive ad muscas abigendas. Praeclare huc faciunt verba actoris illius apud Terentium<sup>a</sup>: *Hec Tu Dore, cape hoc Flabellum, & ventulum huic facito, dum lavamur*. Quod quum ita sit, minime fortasse a proposito digredietur oratio nostra, si nonnihil de Flabellis attexam. Inde quod Umbellae & Flabella copulentur, ne dum in his, quae artulimus, sed in aliis bene pluribus monumentis, ex alio aliud veluti nequitur.

Ac primo Gregorius Nazianzenus luxum, nimiamque molliem vituperans, pueros memorat, qui heris accumbentibus tenues gratosque ventos Flabello excitarent convivis mensae unguentis perfusae assidentibus, τὰς δὲ ὑπὲρ κεφαλῆς ἀνεμῶν τὰς πιπῶσι super capita (convivarum) flabellis ventum excitantes<sup>b</sup>. Verum si memoria res antiquas repetere quis velit, longe ante Gregorium hoc in more positum inveniet. Ovidius<sup>c</sup>

*Profuit & tenues ventos movisse flabello.*

Hinc Pignorius in Commentario de Servis<sup>d</sup>: *Inter ancillas conspicuae fuerunt Flabelliferae, quarum meminit Plautus. Flabellum autem domi Eunuchorum fuit, ut indicat nobis Eunuchus mentitus Chaeream Terentianus, & Claudiani Eutropius. Locus Claudiani is est, ubi narrat Eunuchum Augustae famulari, & flabello auram ciere.*

*Et cum se rapido sessam profecerat aestu,*

*Patricius roseis pavonum ventilat alis<sup>e</sup>.*

Pergit Pignorius: aliquando etiam mulierculae alicujus, velut illius apud Martialem lib. II. Epigr. LXXXII, quae prasino flabello tenuerit ventilabat frigus Zoilo aestuanti<sup>f</sup>; & hinc D. Hieronymus inter ancillarum officia enumerat Flabellum tenere<sup>g</sup>. Sed quod de officio pueri vel Pocillatoris carpit Gregorius, factum etiam ad muscas a mensa abigendas disertis verbis adnotat Martialis<sup>h</sup>

F 2

Lam.

<sup>a</sup> In *Eunuchis* 111. Scen. V. Edit. Boeckler.

<sup>b</sup> Orat. XVI. Edit. Colon. 1690. Cur Billins non Flabellis, sed Folliis venterit τὰς πιπῶσι plane ignoro.

<sup>c</sup> De Arte 1.

<sup>d</sup> Pag. 423. Edit. Amstelod. 1674.

<sup>e</sup> Loc. cit. Amstelod. 1665.

<sup>f</sup> Et aestuanti tenni ventilat frigus  
Supina prasino concubina flabello.  
Fugatque muscas myrtea puer virga.

<sup>g</sup> In Epitaph. Paulae. Romae 1576.

<sup>h</sup> Lib. XIV. Epigr. LXVII.

( XLIV )

*Lambere quae turpes prohibet tua prandia muscas*

*Alitis eximiae cauda superba sui .*

Præeunte Martiale nonnihil observant Ciaconius *de Triclinio*<sup>a</sup>; & Vrsinus in appendice ad eundem<sup>b</sup>: ceterum hoc munus servorum delicatorum fuisse ait Stuchius<sup>c</sup>, & Donatum sententiae suae auctorem profert<sup>d</sup>. Inter deambulandum aestivo tempore quis dubitet & scitulas puellas, & venustulos adolecentes illum prae manibus gestasse? constat ex illo Ovidii<sup>e</sup>.

*Vis tamen interea tenues arcessere ventos ,*

*Quos faciunt nostra mota flabella manu .*

Est alterum apud Dionysium Halicarnasseum luculentissimum testimonium, ex quo discimus effeminatam juventutem, Aristodemo instigante, in pompis, ludisque Vmbellam, & Flabellum detulisse. Postquam descripsit turpissimas libidines, quas Cumis exercuit Aristodemus, & pueros indutos, more virginum, pictis tunicis talaribus, qui comas reticulis, floribus, taeniisque religabant, de his ita scribit: ἡκολούθουν τὸ αὐτοῖς εἰς τὰ διδασκαλεῖα τῶν ὀρχηστῶν καὶ αὐλητῶν, καὶ τῶν παραπλησίων τόποις μουσικολάκων, παραπνυόμεναι παιδαγωγὰς γυναικες σκιάδια, καὶ ῥιπίδας κομίζουσαι. Gymnasium saltationum ingredientiæ ad modos Cytharistarum, & aliorum muscarum illecebrarum artificum, eos comitabantur pedissequæ mulieres VMBELLAS & FLABELLA gestantes<sup>f</sup>. Quid plura? ubi opus erat Vmbraculo, ibi & Flabello. Quamobrem Libero Patri, dum vino caleret, saepe tribuitur a Nonno in Dionysiæis, cujus verba, causâ brevitatis praetermitto. Qua vero materia constarent muscaria perspicuum videtur ex allato Martialis disticho; tum ex Propertio<sup>g</sup>.

*Et modo Pavonis caudae flabella superbae .*

Porro in antiquis picturis hanc formam referre conspiciamus; sed haec fortasse elegantiora. Papyracea, serica, vel etiam gra-

<sup>a</sup> Pag. 19. Edit. Amstelod. 1664.

<sup>b</sup> Pag. 274.

<sup>c</sup> *Antiquitat. Convivial. lib. 11. Tiguri*  
1582.

<sup>d</sup> Confer Josephum M. Satchum Episcopum  
Vasioneensem in Diatriba de Flabellis Pontificiis  
& Muscariis Pavoninis data Vasioni 1111. Kal.

*Junius* MDCLII.

<sup>e</sup> *Amor* 111. 11.

<sup>f</sup> *Antiquit. Roman. lib. 111. Edit. Sylbur-*  
*gii Francofurti 1666.*

<sup>g</sup> *Lib. 11. Eleg. ad Demophoontem. Pari-*  
*sii 1685.*

graminea fuisse, ex varia earum figura, concinnitate, atque ornamentis conjiciet, qui paullo attentius Vascula, Gemmas, Anaglypta intuebitur<sup>a</sup>. Si vero moris originem scruteris, admonet apud Euripidem actor ille Phrygius, qui cum Helena Troja advenerat, a Barbaris in Graeciam transvectum.

Φρυγίοις ἔτυχον Φρυγίοισι νόμοις

Παρά βόσφυρον αὔραν αὔραν

Ελένας Ελένας ὑπαγεῖ κύκλω

Περίνῳ πρὸ παρῆδος αἰσῶν

Βαρβάροισι νόμοισιν.

*Juxta Phrygium morem,*

*Ad caesariem ventulum ventulum*

*Ante genas Helenae Flabello*

*Bene compacto, pennato faciebam,*

*Barbaro more<sup>b</sup>.*

Nunc eo, unde digressa, referat se oratio. Mirari quis poterit cur adeo fidenter vas istud *Sextarium* appellarim. Non fortuito dixi, sed comperta causa. Primum pro certo pono, atque confirmo Vasculorum veterum picturas ad eum referri usum, cui addicebantur; ut quidam sit picturae & usus responsus. Est id consentaneum naturae, atque rationi, qua omnes homines semper praediti fuere, omniumque mens in id consentiens ac pene conspirans. Neque enim mortuariam pompam, & funebrem luctum effingi mandarem in lance escaria, aut cyatho mensae, convivioque apponendo; nec in capsula ossuaria natalis diei festa, atque ritus; nec in sympulo rei sacrae faciendae scurras & mimos: Quare si Vasculi hujus picturae lavationis apparatus exhibent, vas ipsum Balneo additum fuisse non ambigo. Vasis autem moles & capacitas, quas diligentissime expendimus, *Sextarium* esse, qui vini cyathos duo-

<sup>a</sup> Dum Bibliothecae Vaticanae plures Codices perpenderem, adverti oculos ad ingeniosum Volumen Gemmarum Antiquarum, quas bandes Kartoli accurate delineavit, & Eques Petrus-Leo Ghezzius eidem Bibliothecae dono dedit. Num. cLXXXI. vultus Hermaphroditus, & Num. cLXXXIV. Venus, quibus adstat cupido flabellum veluti manu excutens, sed in utraque Gemma videtur muscarium esse magnoe cujusdam

plantae folium; concinnius quidem, quam in Stofchiana allata capite 11. In Museo Veronensi Tab. 1. num. v. Sarcophagus est Vipsiae Marcellinae, cui adstat Ancillula cum Flabello haud multum abfimili.

<sup>b</sup> In *Orste Aët. V. Scem. I. Edit. Basileae* 1558. Flabellum, quo Phrygius homo ventilabat Helenae, orbicularem fuisse patet legenti;

duodecim contineret omnino suavit<sup>a</sup>. Capaciores ejusmodi calices afferebantur non solum quum epulum daretur, sed ipsis in Thermis, ut quorum vires lavacrum enervabat, haud parca vini potio reficeret, atque redintegraret. Morem hunc acuto dente carpit Martialis dum sugillat hominem, qui primum Thermarias potationes exprobraverat, sed factus opulentior, eodem in vitio fuit<sup>b</sup>.

*Frangendos calices, effundendumque Falernum*

*Clamabat, biberet qui modo lautus eques.*

*A sene sed postquam Patruo venere trecenta,*

*Sobrius a Thermis nescit abire domum.*

Id ipsum Juvenalis probro vertit homini jam jam canescenti, qui balnea, & Thermas, quo intemperantius potaret, frequens adibat

\* \* \* \* \* *Damaspippus ad illos*

*Thermarum calices inscriptaque lintea vadit,*

*Maturus bello Armeniae Syriaeque tuendis*

*Annibus & Rheno, atque Istro<sup>c</sup>.*

Haec omnia ne reticeremus auctor fuit Cl. J. B. Passerius homo nobis, & studiis iisdem & vetustate amicitiae conjunctus: ac libenter morem gessimus Archaeologo huic doctissimo, cui primae sine controversia tribuuntur<sup>d</sup>.

At quoniam de Etruscorum operibus hoc capite disseruimus; residuum ergo videtur, ut dicam num ab his vetustissimis populis Umbellae usus ad Romanos dimanarit. Gorius noster, quem peramanter ubique nominamus, ita certum putat, ut ne in dubium quidem illi veniat. *Flabellorum usum* (ita ille), *quod etiam de Umbellis dicendum, ad vitandum Solis aestum, & imbres Romanos ab Etruscis nostris accepisse perspicue constat<sup>e</sup>.* Multa quidem ab Etruria matre & genitrice superstitionis<sup>f</sup> ad reliquas

<sup>a</sup> Consule Budaevum de *Affe edit.* inter *Scriptores Rei Nummariae* Amstel. 1692. 2. *Casp. Eijenschmidium de Pond. & Mens. cap. 21. Sect. 11. Argentorat. 1737.*

<sup>b</sup> *Lib. xii. Epigr. lxxi.*

<sup>c</sup> *Sat. vii. Not. Varior. Paris 1613.*

<sup>d</sup> Vasculorum Etruscorum opificium, colores, picturas studiose & exquisitè is explicavit in

*Dissertatione de Genio Domestico pag. 9. & sequent. v. Syntagma Antiq. Monum. Florentinae 1744.*

<sup>e</sup> *In Museo Florentino Tom. 1. not. ad Tab. lxxxvi. pag. 258. Gemmae Classe 17. Tab. lxxxii.*

<sup>f</sup> *Arnobius Adversus Gentes lib. 1.*

## (XLVII)

quas nationes sunt propagata ; sed de hujusmodi ritu , hoc tantum succurrit argumentum , quod Umbella in veterrimis monumentis gentis illius , quae Romanam aetate antecessit , picta conspiciatur .

### C A P V T O C T A V V M .

*Antiqua Umbellae forma . Virgis mobilibus contrahi , atque distendi . Testudinatam aliquando fuisse . Albericum , & Anacreontem perperam huc accersiri . Mulierum capilli sic conformati , ut Umbellae vicem praestent . Sudaria , Lintea , Vestes ad umbram faciendam arboribus alligata . Foliis Palmae bifidatis Umbellas confici , sed eae agrestes . Elegantiores omni luxu , & ornatu . Locus Juvenalis ab interpretibus vexatus explicatur .*

**V** Eror fore aliquos , qui me praepostero ordine disputationem perturbasse credant , quum in hunc extremum locum rejectum legerint , quod fortasse a primo tractandum videbatur . Atque id facilius judicabunt , qui illud Tullii memoria retinent in omnibus primum rei naturam esse constituendam , ejusque proprietates apta definitione aperiendas . Sed summo in errore versantur , qui nos sic coarguunt : imo ut omnia distincte , & ordinate disponerem , de Umbellarum forma disputare in hoc tempus reservavi ; alias , quae seorsum erant dicenda , ac paullatim explicanda , omnia sub ipso lucubrationis ingressu fuissent legentium oculis objicienda . Tum etiam in proposito susceptoque consilio permansi , quod evidenter perspicerem futurum , ut Umbellarum descriptio ex antecedentibus sponte sua efflueret atque manaret . Quare hoc loco perspectam legentibus esse jam quum censeam , non eam tradere , sed dicendo amplificare , & novis animadversionibus locupletare aggredior . Quae igitur fuerit Umbellae forma ac figura ex ipsis cruditae vetustatis monumentis petendum arbitror , non ab his quae Pictores nostra aetate pro ingenio excogitarunt.

runt<sup>a</sup>. Vas Nolanum, & Gualterianum, CAP. II. descripta; satis patefaciunt ad nostrarum Vmbellarum formam proxime accessisse. Verum Gemma, quam ibidem protulimus argumento est Vmbellas etiam in fastigium erectas, atque acuminatas in modum hemispherii aliquando extitisse; & opus Testudinatum fuisse arbitror ex paullo solidiori materia, quod unico fulcro sustentaretur. Quam equidem formam ceteris vetultiorum esse astruit Julius Pollux, *θολία δ' ἰκαλεῖτο πλέγμα τὸ θολειδές, ᾧ ἀντὶ σκιαδίου ἐχρῶντο αἱ γυναῖκες*. Testudo autem dicebatur contextura quaedam instar testudinis plicata, qua, ante Vmbraculum inventum, utebantur mulieres<sup>b</sup>. Ex monumentis autem Persarum, quae CAP. V. indicavimus ante omnium oculos positum credo Vmbellam etiam penes antiquos fulcris, virgisque mobilibus sustentari, quorum ope ea vel contraheretur, vel distenderetur; quod non solum apud Persas sed etiam apud Romanos usuvenisse docet Ovidius eo versu, quem CAP. VI. recitavimus.

*Ipse tene distenta suis Vmbracula virgis*

De Graecis testatur scurrilis jocus Aristophanis in Equitibus. *Act. V. Scena II.*

*Τα δ' ὥπε γάρ σ' εἶ, νή Δί, ἐξέπτεσσυτο*

*"Ὡσπερ σκιαδίων, καὶ πάλιν ξυνήγατο.*

*As per Jovem aures expandebantur tuae,*

*Et complicabantur quasi quoddam Vmbraculum.*

Quae res quum ita se habeat, nihil loci relictum est sententiae Montfauconii, qui Petasum in acumen superne definentem, vel oras habentem, quae umbram faciant, tuto pronunciat

<sup>a</sup> Fectur Johannem Dominicum Romanellum inter ceteros Pictores multa ex antiquorum monumentis in rem suam opportune derivasse. Sed plane incertum quodnam autographum sibi proposuerit imitandum, quum Vmbellae formam effinxit, & Thermutae Regis Pharaonis Filiae adposuit in Tabula. quae Parisiis adservatur, *aux vues Louvre*; & nullum extabat aevi illius monumentum, ex quo illa peti atque describi posset. Norunt etiam, qui bonas artes colunt anaglypta ex marmoreo, quibus exornantur parastatae Perystilli Vaticani ( tempore PP. Leonis X. excitari, Raphaelo Urbinate totius aedificii curam agente ) pingendi, fingendique no-

bilissimos artifices Johannem de Vitro, & Pollidorum de Caravaggio ex antiquis Archetypis descripsisse. Lounge dissimilia, quae obviam sunt dextrorsum petenti, quaeque Gregorius XIII. Pillis gypso crassari jusserat; nam et si ejus rei praefectura data fuerit Christophoro Roucellio, vulgo *Pomaranzio il Giovine*, fidores is adhibuit plasticæ rationis ignaros, & graphidis imperitos, aut qui festinat, & indiligenter operi perficiendo manum admovent. Hinc quamvis Inibi Cupidinem Vmbellam gestantem facpius adverterim, non ex antiquo exemplari operis speciem deformatam judico.

<sup>b</sup> Loc. cit. cap. 1.



## ( XLIX )

ciat esse Graecorum τὸ σκιάδιον, vel τὴν σκιάδικην Anacreontis<sup>a</sup>. Putat ipse satis firmo praesidio defendi, & ad verba Al-berici provocat, qui in *Imaginibus Deorum* Mercurii Galerum Vmbellam vocat. Sed jam demonstravimus CAP. V. & VI. hoc tegumenti genus Pileos Vmbelliferos, non Vmbracula proprie vereque appellari. Quare sunt haec duo distinguenda; in quo reprehendendi videntur Solerius, & Raynaudus<sup>b</sup>, qui dum multa de *Pileo*, ceterisque capitis tegminibus congererent, pauca discrete, & electe digesserunt.

Sed mores gentium vita institutisque barbararum conside-ranti mihi, nunc recitanda visa sunt, quae de Cantabris ac Vectonibus leguntur apud Strabonem. Narrat ille apud incul-tas illas nationes mulieres consuevisse monilia ferrea collo cir-cumdare, & a fronte protensum Vmbraculum, quod attrahant cum velint, vel retrahant defendendo Soli; alias comas in al-tum erigere, illasque baculo obvolvere ad umbram faciendam. Τῆς δὲ βαρβαρικῆς ἰδέας καὶ τὸν τῶν γυναικῶν ἐνίων κόσμον θεὸν τις ἂν, ὃν ἔρηνκεν Ἀρτεμίδωρος. ὅπου μὲν γὰρ περιτραχήλια σιδηρὰ φορεῖν αὐτὰς φησιν, ἔχοντα κόρακας καμπτομένοις ὑπὲρ κορυφῆς, καὶ προσπίνοντας πρὸ τοῦ μετώπου πολὺ, κατὰ τῶν δὲ τῶν κοράκων ὅτε βέλονται, κατασπᾶν τὸ κάλυμμα, ὥστε ἐμπετασθῆναι, σκιάδιον τῷ ποσώπῳ παρέχειν, καὶ νομίζειν κόσμον. ὅπερ δὲ τυμπάνιον περὶ χεῖσθαι, πρὸς μὲν τῷ ἰνίῳ περιφερὲς, καὶ σφίγγον τὴν κεφα-λὴν μέχρι τῶν παρωτίδων, εἰς ὕψος δὲ καὶ πλάτος ἐξυπτιασμένον κατ' ὀλίγον. ἄλλας δὲ τὰ προκόμια ψιλοῦ ἐπὶ ποσῶν, ὥστ' ἀπο-σίλβειν τὸ μετώπου μᾶλλον. τὰς δ' ὅσον ποδιαῖον τὸ ὕψος ἐπιθεμέ-νας συλίσκον, περιπλέκειν αὐτῷ τὴν χεῖρ, ἔπειτα καλύπτει με-λαίνῃ περιστέλλειν. Barbaricae formae est etiam ornatus quarundam mulierum, quem Artemidorus retulit. Alicubi enim collo appensa, & conligata gestare monilia ferrea, quae corvos habeant supra verticem procul reflexos, & prominentes longe ante frontem; super quibus cor-vis, quoties lubet, velum demittant, quod pansum faciem obumbret, atque hoc illas ornatus loco etiam usurpare: alicubi tympanulum eas gestare, quod ad occiput sit rotundum, caputque usque ad auriculas

G

con-

<sup>a</sup> In Supplement. Tom. 111. pag. 1331.<sup>b</sup> Anselmus Solerius de Pileo Amstelod. 1671.

Theophilus Raynaudus de capitis integumentis. Inter ejus opera Tom. 21. Lugdun. 1665.

constringat , indeque deorsum paullatim in altitudinem & latitudinem producat : alias frontis partes , quae ad comam pertinent ita deglabrare , ut magis ipsa fronte niteant : alias columellam pedis longitudine capiti adhibere , eique crines circumplectere tum nigro velo circumdare<sup>a</sup>. Abs Ibericorum moribus eorumque perridiculis Vmbellis ad Romanos revento . Equidem non uno semper modo hi Vmbra parabant , sed pro ut loci temporisque opportunitas illis obveniebat . Linteis quandoque utebantur columnis , longuriis , arboribus alligatis , quod non obscure indicat illud Varronis de R. R. *Prope aream faciunt Vmbracula , quo secedant homines in aestu tempore meridiano*<sup>b</sup>. Cujus moris documentum exhibet Tabula x. Picturarum Veterum a Bellorio editarum . Visitur ibi Templum Apollinis , cujus area amplissimo linteo inumbratur<sup>c</sup>. Aliquando tentoria & Vmbracula ex vestibus confecta tradit Tibullus<sup>d</sup>.

*Tunc operata Deo pubes discumbet in herba  
Arboris antiquae , qua levis umbra cadet .  
Aut e veste sua tendent Vmbracula fertis  
Vineta , coronatus stabit & ipse Calix .*

Jam de materia , qua conficiebantur antiquis temporibus Vmbellae , si quis a me petat quid sentiam ? primum cum Plinio dico foliis Palmae bifidatis , intextisque ; ita enim scriptum reliquit . *Folia cultrato mucrone lateribus in se bifidatis bella primum demonstravere gemina ; nunc ad funes vitiliumque nexus , & capitum levia Vmbracula finduntur*<sup>e</sup>. Sed haec rustica & agrestia Vmbracula fuisse puto : ceterum quis sibi non persuadeat Romanos , qui tantopere elegantes , lauti , in luxum effusi erant , Vmbellas etiam holosericas , bombycinas , purpureas habuisse ? Num qui funes blatta , & serico , & cocco intortas<sup>f</sup> parabant ; qui exem-

plo

<sup>a</sup> Lib. 11. *Rerum Geographicarum ex recensione Isaac Casauboni* 1587. interprete Xylandro .

<sup>b</sup> Lib. 1. cap. 21. Edit. Durschleib.

<sup>c</sup> Montfauconius in suo illo Indigesto , inordinatoque promptuario Villam esse censuit . *Antiq. Explic. Tom. 111. parte 1. Tab. 22v. pag. 132.* Etiam Triclinia vella inumbrare mos erat ; sed nam id facerent veteres , ut liberius

scortarentur , hisque umbraculis Venerem occultarent , non desino , etsi fidenter affirmatum videam a Laurentio . *Varia Sacra Gentil. cap. 21v.*

<sup>d</sup> Lib. 11. *Eleg. v. Varior.*

<sup>e</sup> Lib. 2111. cap. 1v. *de Palma.*

<sup>f</sup> Lamprid. in *Heliogabal. Edit. Lugd. Batav. 1671.*

plō Caligulae retibus aureis piscabantur<sup>a</sup>; qui testa ebores, & auro fulgentia exstrui curabant<sup>b</sup>, Vmbraulis gramineis contenti? Praeterquam quod Vmbellas auro contextas recensent Ovidius, & Claudianus, quorum carmina attulimus CAP. VI. Quapropter Vmbellis acu pictis, Phrygio opere laboratis, Indoque ebores ornatis Romanos quandoque usos esse, amplae eorum fortunae atque copiae, ingentes divitiae, rerumque omnium abundantia, sumptus effulsiſſimi non persuadent modo, sed perspicue convincunt.

Existit hoc loco quaestio subdificilis, quid sibi velit Juvenalis, quidve in animo constituerit quum Vmbellam *Viridem* appellat. Is ad Naevolum, Cinaedum subsannans, cui tamquam mulierculae mittebantur dona a draucis, sic accinit:

*En cui Tu Viridem Vmbellam, cui Succina mittas  
Grandia, natalis quoties redit, aut madidum ver  
Recipit<sup>c</sup>.*

Ac primo deridenda, & ad summam usque inscitiam inepta mihi videtur ea interpretatio, quam memini in vetusto Codice legisse. Extat ille Cefenae in Bibliotheca, quam Urbis illius Dynasta Malatesta Novellus, publicae utilitati communique commodo studens, condidit. dedicavitque. *Plut. XXI. Sinistrorsum Num. II.* Codex scriptus est Saeculo XIII. exeunte, hancque praeſefert inscriptionem: *Magistri Omniboni Commentaria in Juvenalem*, qui ea verba *Viridem Vmbellam* in hunc interpretatus est modum. *Vmbella praeciosus lapis viridis coloris<sup>\*</sup>*. Vnde hanc deprompserit narrationem vix ausim divinare. Certum est apud Gemmarum Scriptores Vmbellam haud recenseri; imo in universa Lithographia vocabulum non reperiri, sponsor accessit homo, cui naturae contemplatio, rerumque naturalium observatio diu, noctuque in studio est. Neque sentio cum Kippingio, qui ex nostrorum temporum moribus mentem Juvenalis se assequi putat. *Viridem idest viridi colore superlitam*,

<sup>a</sup> *Entrop. in Nerone cap. VII. XIV. Edit. Havercamp. Lugdun. Batav. 1739.*

<sup>b</sup> *Cic. Parad.*

<sup>c</sup> *Sargra IX. Paris. 1613.*

<sup>\*</sup> Dictionis barbarie, scripturaeque forma

convictus nihil animi pendeo hominem hunc totum diversum ab *Omnibono Victino*, cognomento *Leontismo*, veterum Auditorum interpretate erudito.

ut eo firmior ejus usus esset, perinde ut hodie Vmbellas virides hujusmodi per itinera secum ferunt Itali & Poloni Magnates, ad baculos applicatas, ut baculorum ope explicari, & contrahi possint<sup>a</sup>. Neutrum illi concedo, scilicet viridem colorem firmius prae ceteris pan- no linteo haerere, & Italos ac Polonos semper, aut plerum- que, virides Vmbellas per itinera ferre solere; nam constans sententia apud eos, qui Sandracam operibus superinducunt, alios esse colores, qui tenacius linteis inhaerescant: ac prostant quotidie in officinis Vmbellae colore livido, thalassico, luteo, subnigro illitae, & versi colores. Ut igitur cogitatione dilu- cidè comprehendi possit horum verborum significatio, & ut omnes Juvenalis sensus ea in re cognitos habeamus, alio ani- mum intendere fas est, & abs Romana historia interpretatio accersenda.

Romae itaque quum Circenses populo darentur, in varias factiones dividebantur, qui spectacula, vel currus agitatione, vel ludo alio praebebant, quique assidentes, a partibus hujus vel illius stabant factionis. Eae quatuor erant ab eo, quo fa- ctionarii induebantur colore, cognominatae. Quae quidem consuetudo, usque ad Imperatorum Orientalium manavit aeta- tem<sup>b</sup>. Colores quadrisaria divisione, quae quatuor anni tem- pestates signaret, distinguebantur. *Prasinus* virenti Verno; *Roseus* Aestati flammeae; *Albus* pruinoso Autumno, *Venetus* nu- bilae Hyemi dicatus. Non opus est pluribus verbis facere lon- gius, quod est, ut credo, notissimum. Quoniam vero, qui in circo spectantes, & subsellia tenentes suae factionis colore inter sese discernebantur, videtur Juvenalem alloqui homi- nem, qui *Prasinae* esset factionis, ideoque Viridem Vmbellam mittendam proponat. Atque haec interpretatio multo fit ve- rior, si mente advertamus, qua aetate vita viveret Juvenalis,

quo-

<sup>a</sup> Roman. Antiquit. lib. 14. cap. 4. Lugdun. Batav. 1713.

<sup>b</sup> Corippus lib. 1. Justin. V. M. cum notis Ritterhusii & Ruizii Altorfi 1743.

Et fecere omnia studia in contraria partes,  
Ut sunt Aestivis Brumalia Frigora flammis.  
Nam Viridis vernis campus cum concolor  
herbis,  
Pinguis olivae comis, luxu nemus omne vi-

rescit,

o Aetatis roscus, rubra sic veste resurgens,  
Ut nonnulla rubent ardenti poma colore,  
Autumni Venetus ferrugine drues oestro  
Maturas uvas, maturas signat olivas,  
o Equiparans candore nives, hyemisque  
pruinam,  
Albicolor viridi socia conjungitur urna.

quove tempore scripserit. Varias & discrepantes esse sententias, nos minime fugit. Lipsius<sup>a</sup> contendit pleraque illum scripssisse Trajani imperio, imo Hadriani; quem sequutus est Dodwellus in *Annalibus Quintilianeis*. Fabricius vero magnam tribuit probabilitatem eorum opinioni, qui autumant Poetam inter mortales degisse imperio Domitiani. At quae afferuntur argumenta ad fidem faciendam, non tanti esse videntur, ut ab antiquorum sententia nos jubeant recedere, ab iis nimirum, qui cum veteri Scholiaste censent Caligulae & Neronis aeo, vel paullo post, vixisse Juvenalem. Jam vero cui exploratum perspicuumque non est Caligulam atque Neronem *Prasinae* factioni penitus deditos fuisse? De Caligula quidem Dio: ἰσχυρῶς γὰρ τῇ τῆν Βατραχίδα ἐνδύοντι, καὶ διὰ τὸ ἀπὸ τοῦ χρώματος πᾶ πρασίνῳ καλεμίνῳ προσέκειτο. Bene animatus erat in eum, qui vestimentum viride induebat, qui & a colore *Prasinus* dicebatur<sup>c</sup>. De Nerone autem Xiphilinus ὁ Νέρων ἡρμαπλάσσε τὴν τὴν πρασίνον ἐνδεδυμένος. Nero agitabat indutus vestem viridem<sup>d</sup>. Hinc plebecula, quanta Romae erat, ut Imperatoribus assentaretur, in eo colore quasi insaniebat; quapropter Poeta, etsi aliquando large mordax Augustorum, plebisque vitia carperet, hoc loco, auribus Imperatorum blandiri, populoque morem gerere cupiens, colorem viridem, qui tanti habebatur, laudat, atque commemorat: quod & alia Satyra ipse met innuit<sup>e</sup>.

*Totam hodie Romam Circus capit, & fragor aurem  
Percutit, eventum viridis, quo colligo panni.*

CA-

<sup>a</sup> *Epistolarum lib.v. quaeß.xx. edit. 11. An-  
tuerp. 1632.*

<sup>b</sup> *Biblioth. Latina tom. 1.*

<sup>c</sup> *Dio lib. 61. Paris. 1623.*

<sup>d</sup> *In Ner. sive lib. v.*

<sup>e</sup> *Satyr. xi.* Quod si animum in hoc obfirmes  
serius vixisse Poetam, nil vetat quin consuetudo,

& in *Prasinos* propensio diu multumque perduraverit; quos enim vulgus aliquando imbibit mores, eos longissime retinet. Addito huc, quod *Helagabalus*, & *Verus*, qui tardius imperium tenuere, testibus Xiphilino, Lampridio, atque Capitolino, hunc colorem perditae ademerunt.

*De Christiano Umbellae usu. Umbella, qua Graecorum Presbyteri, & Diaconi utebantur, teste Simeone Thessalonicensi. Apallarea in Templis Christianorum suspensa. Umbraculum a Sergio PP. in Basilica Salvatoris appositum. Dono missum Pippino Regi a Paulo I. Item Alexandro III. & Federico I. Imp. ab Anconitanis oblatum. Jaspis Episcopum referens equo vestum, servo Umbellifero comitante, dilucidatur. Summa BENEDICTI XIV. in antiquitatibus Christianis cognitio, & mira accuratio. De Flabellorum usu in Graeca ac Latina Liturgia perbrevis observatio.*

**H**AEC indoctorum animis offusa caligo est, ut saepe mirentur nos tantum operae, ac temporis in his studiis ponere, ex quibus putant illi, nullum Religioni incrementum accedere, nihilque ex iis confici ad Christianum populum erudiendum. At sermones ejusmodi disseminare, hominum est parum considerate loquentium, atque in maximis rebus errantium. Quis enim est, cui non perspicua sint illa, quae pluribus verbis commemorantur ab immortalis Baronio, qui antiquis Christianorum moribus patefaciendis, aut Ecclesiae disciplinae constabiliendae, monumentis marmore, & aere sculptis sapienter usus est? Quid enumerem viros plane summos, ac singulares Thomasium, Ciampinium, Mabillonium, Norisium, Blanchinium, Mamachium, aliosque, quorum attenta eruditae Antiquitatum meditatio Christianis ritibus, ac Dogmatibus tantum contulit firmamentum, tantumque splendorem? Nullus ferme est qui Ecclesiasticae Historiae illustrandae curam impenderit, quin in hisce monumentis maxima praesidia, atque adjumenta invenerit, sive ad origines expiscandas, sive ad Chronologiam restituendam, sive ad hostes Catholici nominis refutandos. Quare studia haec qui vituperant, haud sane intelligo, quid nam sit, quod laudandum putent. Sed longiores forte sumus, quam necesse est; jam ad instituta pergamus. Ordior autem ab eo, quod Simeon Thessalonicensis Archiep. in libro de

Sa-

Sacramento Ordinis a Cl. Morino ex Codice Bibliothecae Vaticanae edito scribit de Graecorum Praesbyteris, & Diaconis. *Τοίνυν οἱ Διάκονοι καὶ ἱερεῖς ὁμοῖα ἱματίοις ἄνωθεν ἐκδύονται ἀμφία, καὶ ἐπὶ κεφαλῆς τὰ σκιάδια, καὶ λοιπὰ συνήθη φορέματα πάντα ταυρὸν ἐκτυπῶντα, ὡς καὶ αὐτὸ τὸ σκιάδιον.* Igitur Diaconi & Sacerdotes vestimenta induunt his imatiis superne similia, & Umbellas in capite ceteraque gestari solita, omnia Crucis figuram exprimentia, ut & ipsa Umbella <sup>a</sup> Haec tamen Umbracula nihil aliud esse, quam Pilei genus aliquanto latioris, & Cruce insigniti, quo viri Sacris faciundis addicti utebantur, liquet apertissime; neque de ejusmodi Sciadio pluribus disputare, est nobis in hac oratione propositum.

Propiora huic argumento sunt *Apallarea* in Templis Christianorum suspensa, quae primitus soli arcendo nimiaeque luci prohibendae inuenta creduntur. Dicta sunt etiam *Appellaria*, & *Aplaria*; atque sic nuncupari asserit Bulengerus vel ἀπὸ τοῦ ἡλίου, vel ab ἄλν, quae vox lucem significat <sup>b</sup>. Nam etsi Tempa tunc essent obscuriora quam nostra aetate, ea omnia ab Altari removenda sollicitè curabant, quae intentum sacerdotis animum vel perturbare possent, dum sacris operam daret, remque divinam faceret <sup>c</sup>. In modum cochleae fuisse efformatam scribit Dugange <sup>d</sup>; vereor tamen ne pro more suo nimium tribuat vocis originationi, atque etymologiae: quamquam nullum suppetit schema, quo rem definiam, nam quae conspicienda protulit Ciampinius <sup>e</sup>, recentiora sunt. Altaribus, maximeque Arae principi superne incumbebat *Aplare*, nisi vice ipsius fungeretur machina illa fastigiata, quam, graeca voce, *Ciborium* <sup>f</sup> nominamus,

a De sacris Ordin. Parisiis 1635.

b De Templis lib. 11. cap. 112. *Appellaria*, seu *Apallarea*.

c Veteres Christiani diu assueti in Cryptis, facellisque subterranis sacra pererrare, Fenslas sacris aedibus perpaucas admodum indiderunt. Firmata subinde Ecclesiae pace Tempa aedificarunt luminosa. Documento est S. Paulinus Nolanus, qui quum tenebricosam Basilicam in Puelis a S. Damaso excitatam in splendidiorem formam redegerisset, de eo magnifico opere gloriabatur.

Quae fuerant vetera & nova nunc extare videntur.

Nam steterant vasto deformibus agmine pilis:

Nunc meliore datis eadem vice fulta columnis.

Et spatii coepere & luminis incrementum. Nazal. 2. Edit. Muratorii Veronae 1736.

d In Glossario v. *Appellaria*. Parisi. 1733.

e De sacris Aedificiis a Constantin. constructis. Romae 1693.

f V. ΕΤΥΜΟΛΟΓΙΟΝ Jacobi Goar. Venetiis 1730. Si Bingamo fidendum, vocem hanc perperam interpretati sunt recentiores librorum Ritualium scriptores nonnulli. Verum Du-Fresnois antiquitus fuisse ostendit VMBRACV-  
LVM

mus ; quod etiam per hoc tempus faciendum monent libri Rituales <sup>a</sup>. Neque id tam munditiei causa, quam Divini Numinis praesentiae declarandae, indicandique dominatus . Eam ob rem Pontifici ac Regibus ultro permixtum legimus . Sergius Papa , cui sacrorum caeremoniae imprimis cordi fuisse videntur , ut est apud Anastasium Bibliothecarium , in Basilica Salvatoris posuit in abside super sedem Apellariam argenteam pensantem libras centum viginti <sup>b</sup>. Itemque Paullus primus vix summi sacerdotii honore auctus , in epistola secunda ad Pippinum Regem data , in qua accusat Desiderium Langobardorum Regem , quod promissas Ecclesiae Romanae Civitates non restituat , oratque ut opem ferat , illumque ad has reddendas adigat ; munera aliquot dono mittens , ita eum affatur . *Pro verae Benedictionis causa direximus vobis Appallaream , unam spatham ligatam in gemmis cum baltheo suo , annulum habentem hyacinthum , storacium pallium &c.* <sup>c</sup> Nonnulla , quae de Vmbraculi usu ( vulgo Bal-

*LVM* quoddam altius eductum & totam sacram mensam contegens . Hoc in forma Turriculae erectum quatuor columnis ad Altaris cornua exurgentibus incumbens . . . . Suprema Ciborii pars formam Sphaerae referebat . Bingham . Orig. & Antiq. Eccles. tom. 111. lib. viii. cap. vi. §. xvi. Arcae interiori horum Vmbraculorum quandoque penicillo super induetur , vel aeu pingitur Columbae species ; at unde mos sit profectus , Ignorata plerumque res est . Inducti in ea sunt opinione Spiritus Sancti symbolum apponi , ut ille praesto sit hominibus rem divinam operaturis . Verum aliam prorsus esse originem admonuit Lazarus Bocquillot *Tynite Hystor. de la Liturgie. Paris. 1701.* quod hic adnotasse haud erit supervacaneum . Sacra Eucharistiae repositoria fuisse antiquitus etiam ad instar Columbae , prout legere est in Conciliis Constantinopolitano sub Menna Anno dcccxxvi. & Nicacno II. An. dcccxxxvi. Similiter de Perpetuo Episcopo Turonensi habetur apud D<sup>r</sup> Acherium (*Spicileg. tom. 111. p. 303.*) Amalario Presbytero legasse *Columbam ad Repositorium* . Quae quidem columbae , sive aureae , sive argenteae sub thulo Ciborii suspensae dependebant . Sed quum huius generis repositoria in usu esse desierint , ne istius consuetudinis omnis memoria interiret , Vmbraculis , quae Ciborii succedere , Columbae insculpsi , vel pingi cœperunt .

<sup>a</sup> Super altare appendatur Vmbraculum quod Baldachinum vocant , cooperiens altare . . . quo non erit opus ubi adest Ciborium . A Piscara Castaldus *Praxiis Caeremoniarum lib. 11. section. 11. Neap. 1625.* De duplici Vmbraculo altero super altare aut Episcopi sedem appendendo , altero supra Pontificem in publicis supplicationibus gestando , multa erudire scripsit I. Catalanus in *Caeremoniali Episcoporum tom. 1. cap. xiv. Romae 1714.*

<sup>b</sup> Anastasius de *vis. Pontificum Romanorum. Edit. Blanchini. Tom. 1v. Romae 1735.* Hoc quidem concessum omnibus Episcopis in signum celsitudinis ac potestatis , ut adnotat Mauricius de Alzedo de *Excellentia Episcopalis dignitatis. Lugduni 1630.* De Cathedra Episcoporum non solum gradibus elevata , sed velo etiam adornata consule eundem Cl. Catalanum *Pontificale Roman. Prolegom. cap. v. tom. 1. Romae 1738.*

<sup>c</sup> Collecem Carolinum complectentem epistolae Pontificum Gregorii III., Zachariae, Stephani II., Pauli I., Stephani III., Hadriani &c. ad Carolum Martellum , Pippinum , Carolummannum , & Carolum Magnum , a Sebastiano Tengnagelio Caesaris Bibliothecae Praefecto accepti Jacobus Gretserus , qui illum in lucem edidit Ingolstadtii 1613., referente Petro Lambeco *lib. 11. Biblioth. Caesar. cap. v. pag. 322.* Epistola Pauli I., de qua sermo est , legitur etiam apud Labbeum *tom. viii. collect. Conciliorum edit. Venet.*



## (LVII)

*Baldachino*) intra Templi ambitum in quaestionem veniunt, libens supersedeo disputare<sup>a</sup>. Verum eidem prorsus usui, cui in sacris aedibus Apallarea dedicata fuere, extra illas Umbellae destinabantur. Hinc in Christianorum supplicationibus aliquando deferendas adnotat Martene de Antiquis Ecclesiae Ritibus<sup>b</sup>. Hinc viri principes, quo majore honorificentia in publicum prodeant, privilegio gestandae Umbellae decorati. Praeclare huc faciunt verba Andreae Danduli in Chronico, ubi PP. Alexandrum III, pace composita cum Federico I, Venetiis Romam revertentem describit. *Postea die decima sexta Octobris Dux paratis decem Galeis, juxta conditum, recedentem Papam, & assumptum Ravennae Imperatorem, sociat usque Anconam. Anconitani vero duas UMBRELLAS praesentant, unam Papae, Imperatori alteram. Tunc summus Pontifex ait: deferatur tertia Duci Venetiarum, cui merito congruit, qui nos ab aestuurbationis liberans, in refrigerio pacis posuit: quod bene UMBRELLA significat. In cujus rei memoriam Duces Venetiarum volumus in suis solemnitatibus uti<sup>c</sup>.*

Praestantissimum denique mihi fors obtulit monumentum, quo nostra omnis disputatio aptissimum habeat exitum. Dum vix ratione animoque lustrarem ea, quae de Umbellis in unum colligi possent, illustris Fr. Victorius Ord. S. Stephani Commendator, idemque veterum omnium elegantiarum cultor atque aestimator eximius, dono mihi dedit perbenigne ectypon jaspidis antiqui ex sulphure fuso apteque coagmentato, quod adhuc apud me est. Imaginem refert Episcopi sacrificialibus ve-

H

stibus

net. 1719. Lektionem ita restitui: *dirigimus vobis Appallaream, unam spatham &c.* nec securi sumus Gretserum, aut Labbeum, qui omnia verba indistincte copulantes, nostro iudicio, effecerunt, ut nulla inesset illis apta significatio.

<sup>a</sup> V. Barbosam de Offic. & Potestat. Episcopii. Allegat. XLII. parte III. Catalogum loc. cit. Synodicum Beneventanum Cardinali Ursini 1723. Meratum in adnot. ad Gavantium. Hi omnes ex Constitutione Clementis VIII. an. 1603. & S. C. Decretis docent quae sint Episcoporum iura hac in re, quidve Dynastis vetitum &c.

<sup>b</sup> De antiquis Ecclesiae Ritibus lib. I. par. XI. ord. xxix. ex Rituali Ambrosiano Caesarii Montii. Edit. Rotomagi 1700. cui consonant Rituale Petri Rodulphi Aesii 1596. Verum de sacro Umbella uñ providentius omnia praefetis perat egregia virtute conspicuus Pontifex Carolus Borromaeus. Vid. Acta Ecclesiae Mediolanensis. Aet. parte IV. Instrucl. Vist. Infimorum; Instrucl. supelleclil. Eccles. tom. I. Edit. Lugduni. 1682.

<sup>c</sup> Danduli Chronicon. lib. x. p. xxxv. apud Muratorium Rer. Italicar. Scriptor. tom. XII Mediolan. 1726.

(LVIII)

stibus induti, equo vecti, servo Umbellifero comitante, & Crucigero praeunte. Litterae aliquot in area divisum scalptae sunt, ut videre est in schemate, quod hic iterum apponi per-  
opportunum visum est.



Exemplar alterum Gemmae pene similis subinde Florentia misit Ph. Baro Stoschius, deque interpretatione nos humaniter per epistolas compellavit<sup>a</sup>. Opus medii aevi esse monet aperte, sculpturae ratio; nihilominus magni pendendum nemo est, qui non animadvertat. Verum quid de eo expressè ac tuto sit pronunciandum, non ita in promptu est, ut investigatione non indigeat. Facile tamen affirmaverim pertinere ad IOANNEM III. Episcopum Papiensem, qui anno DCCCLXXXIV. Guidoni fuit suffectus, diuque illum Pontificatum obtinuit<sup>b</sup>, atque in hanc sententiam me primum impulit Carolus Sigonius, qui Berengarii I. gesta enarrans sic loquitur. *Cupiebat Berengarius*

*Pa-*

<sup>a</sup> Sunt hae Cl. Stoschii verba in Epistola ad me data. *Mi dà l'onore di accluderle l'impronta di un monumento antico in patta di vetro, che io conservo nella mia raccolta, essendo questo l'unico, che io mi ritrovi riguardante le ombrelle, oltre quello, che io le mandai altra volta. Rappresenta questo un Vescovo a cavallo vestito degli abiti Pontificali, preceduto dal Crocifero, e seguito da altro,*

*che gli porta l'ombrello. Non ho mai potuta intendere il significato delle lettere, che in esso si veggono; e però cosa certa, che questo è lavoro del basso Impero, ed insieme antico in genere di monumenti Cristiani. Se a forte ella ne ritrova la spiegazione, mi farà cosa grata di comunicarmela. Firenze 8. Marzo 1749.*

<sup>b</sup> Neinpe usque ad Annum DCCCXIV.

Papiam, ut qua Regni sedes erat, supra reliquas Civitates efferre. Itaque quoniam Ecclesiam Metropolitana afficere dignitate non poterat, jus atque insignia novo Episcopo conquistavit; atque ut Anastasius Pontifex ei jus indulgeret adhibendae VMBELLAE, equo albo vehendi, Crucis praeferendae &c.<sup>a</sup> Ab uno Sigonio id acceperunt Baronius<sup>b</sup>, Vghellus<sup>c</sup>, Giaconius<sup>d</sup>, qui omnes id ipsum perhibuere. Neque dubito, quin Joannis ingentia merita in causa esse possent quo fidentius Berengarius ea privilegia exquireret, ac Romanus Pontifex libens ea concederet. Sane tanta erat ille rerum laudabiliter gestarum commendatione praeclarus, ut Hadrianus III, accitu Imperatoris, Roma digrediens, Galliamque petens, Johannem relinqueret ut *Missum Caroli* (Crassi) *Excellentissimi Imperatoris pro tuitione Urbis*, quemadmodum scribit Guillelmus Bibliothecarius in vita Stephani V.<sup>e</sup> Multis aliis praeterea gradibus officiorum erga Christianam rempublicam ad hoc tam illustre nomen ascendit. Quare Luitprandus levita Ticinensis ejus mortem ex animo complorans, quae misero fatalique eo bello accidit, quo Hungari, Berengario defuncto, & Rodulfo ab Italia absente, Papiam divexarunt, atque incenderunt, ait:

*Praeful in urbe sua hac moritur, sanctusque Sacerdos,  
Nomine, qui proprio bonus est, dictusque Joannes<sup>e</sup>.*

Igitur quia gravitate, virtute, constantia adeo excellebat, & honorificentissimo Pontificis decreto, tantam dignitatem erat adeptus, puto Ticinenses nomini ac memoriae ipsius devotos, privilegia illi irrogata Gemmis etiam, quae omnium manibus teruntur, exculpi jussisse. Qua in interpretatione conjecturam vero simillimam mihi blandior affecutum esse dum sejunctas illas litteras confero, atque in unum alligare instituo.

H 2

Quid

<sup>a</sup> De Regno Italiae lib. vi. ad an. 911. Edit. Bononiae 1510., & Mediolani 1732. cum notis varior.

<sup>b</sup> An. Eccles. Ad an. 910. tom. xv. Edit. 1744.

<sup>c</sup> Italia Sacra in Episcop. Papiens. Edit. Romanae.

<sup>d</sup> Historia Pontific. Rom. in Anastasio III.

tom. 1. Roma 1677.

<sup>e</sup> V. Pagium in Critic. Baron. Edit. Luc. ad Annum MDCCLXXXV. De Missis eorumque officio. V. Antiquitat. medii Aevi Murator. tom. II. dissert. IX.

<sup>f</sup> Historiarum lib. III. cap. 1. apud Muratorum. Rer. Ital. Script. tom. II. & Anmerpias 1640.

## (L X)

Quid quaeso efficitur, nisi hoc unum nomen JANNIN. III. ? Vernaculo quidem idiomate, pro ut ea ferebant tempora, inscriptum tanti Episcopi nomen visitur; at quis nescit quemadmodum rudibus, barbaricisque iis saeculis hominum nomina inflecterentur, nedum in familiari sermone, sed in Actis publicis, atque inscriptionibus? Plena est exemplorum Italica antiquitas medii aevi universa, quae si hic percererem, actum plane agerem. Eccui non audita ea nomina *Jani, Janetti, Janotti, Gianni, Jannini, Zanni, Zaneti, Zannoti*, quorum mentio in chartis Donationum, aut concessionum &c. post Barbaros in Italiam invectos? Qua de re ipsa inscriptio infimae latinitatis, & Johannis aetati apprime consentiens, argumento est, nos de toto hujus Iaspidis schemmate haud male esse divinos. Quamquam haud mihi est obscurum esse aliquos, qui patrii decoris plus aequo solliciti, hæc privilegia Episcopi Ticinensis altius repetant, quam ab ipso PP. Anastasio: in quo tamen, quia incerta, & aliquando sibi pugnancia scribant, rem minime dubiam disputando faciunt<sup>b</sup>. Nullus erit proinde, qui ter Beatissimi Papæ D. N. BENEDICTI XIV. sapientiam non admiretur, imo, verius dicam,

a Ne quidpiam dissimulem, fateor non omnia me esse affecutum, quæ de præstantissima hac Gemma forent dicenda. Cl. Viatorius, pro ea, qua in me est benevolentia, præter Edypon Iaspidis, delineationem calamo exaratam misit alterius, ut puto, Gemmae, quam edidit egregio illo libro: *Il Fiorino d' oro Firenze 1738*. In ea præter litteras aliquot secundas interea Gemmae, in infima ipsas ora addita hæc inscriptio est. AMENI. Quid sibi velit hoc verbum, conjectura nulla prospicere potui, quare satius duxi nihil interpretari, quam inepta, & falsa ariolando.

b De Privilegiis, quibus ajunt Hormisdam eobonestasse Papienses Antistites disputationem habere, hoc mea nullam in partem refert. Ceterum ea privilegia multis dubia & obscura sunt. Apud quem amabo Hormisdæ litteræ *ἀντίτυποι* reperiantur? *Ab antiquis Historicis traditum* respondet Spelta pag. 627. Ballala ad Platinam, & Sabellicum mittit. Romualdus a S. Maria novissimus scriptor Papiæ sacrae p. 56. Sacrum producit: Sacens autem de Papiensis Ecclesiæ dignitate in *vetustis fragmentis tem-*

*porum diuturnitate exesis aliquando perlegisse* ait. Sed Eustachius a Santo, Ubaldo de *Metropoli Mediolanensi sectione 111. cap. 13. §. 332. Mediolan.* 1699. merito postulare videtur, ut vel antiquos Historicos recitent, vel Bibliothecas, in quibus fragmenta illa delitescant. Quod ad Platinam, & Sabellicum spectat, ii in vita Hormisdæ, nec verbum unum habent. Ticinensea dignitatem Ecclesiæ suæ tutantur testimonio Johannis PP. VIII., quem ajunt Hormisdæ Privilegia novis obfuisse. Sed Ughellius qui eas memorat in ambiguo est, num fidem adjungat hisce litteris. Accedit inter omnes Johannis VIII. epistolæ *apud Binium tom. 111. p. 2.* hæc privilegia non recenseri. Tristatus *Calchus historiæ patriæ lib. vi. cap. 148.* horum Privilegiorum auctorem statuit Paschalem PP. II. an. 1105. Quare de vera Privilegiorum Ticinensis Ecclesiæ Epochâ non omnium una est mens. Nihil ego illi detrahere volo, sed ob ipsam scriptorum varietatem, atque inconstantiam sæpe animi in contrarias sententias distrahantur.

cam, qui accuratorem, acerrimumque iudicium in rebus literariis non suscipiat. Nam quum anno III. sui Pontificatus insigni diplomate decerneret Ecclesiae Papiensi jungendum perpetuo Archiepiscopatum Amasiensem, innumera propemodum ipsius privilegia latifundiis fortunae copulata comemorat, adprobatque; verum a quo profecta sint, quoque tempore induta, scientissimus antiquitatum Ecclesiasticarum Pontifex silentio censuit praetereundum<sup>a</sup>.

Haec quum a me ea, qua poteram, cura ac diligentia sint disputata; finis huic Commentario aliquando constituitur. Unum fortasse instituta operis nostri ratio postulare videbitur, ut quemadmodum Capite VII. postquam de Umbellae gestatione apud Ethnicos multa diximus, aliqua etiam de Flabellis recensuimus; ita nunc, quia de Christiano Umbellae usu plura retulimus, de Flabellis in Graecorum ac Latinorum liturgia nonnihil dicendo complectar. Sed haec splendide enucleateque differuntur ab Eminentissimo Joh. Bona<sup>b</sup> a Goario<sup>c</sup> Suaresio<sup>d</sup> Georgio<sup>e</sup> Catalano<sup>f</sup> aliisque. Quorsum igitur mihi de his iterum oratio suscipienda? Colligam tamen de multis paucula, ut in cumulatissima tractatione quicquam potius affluat, quam absit. Ac primo damnanda, obeloque fodienda nonnullorum dubitatio<sup>g</sup> de antiquo Flabellorum usu. Hujus ritus originem perscrutanti auctor locuples est Liturgia Jacobi, quam Clemens Primus Romanus Pontifex Constitutionum libris inseruit. *ὁ δὲ Διακόνος ἔξ ἐκατέρου τῶν μερῶν τῆ θύσιας ἐκ κατεχέτωσαν ἔξ ὑμέρων λεπτῶν εἰδίξας, ἢ περὶ αὐτῶν παῶνος, ἢ ὁθόνης ἂν ἐγγελημπτῶνται εἰς τὰ κύπελλα. Duo Diaconi ex utraque parte Altaris teneant e tenuibus pelliculis Flabella, aut alarum Pavonis, aut liniei, & seorsum repellant parva volitantia*

<sup>a</sup> Litterae datae xv. Februarii 1743. Vid. tom. 1. Bullarii BENEDICTI XIV. Romae 1746.

<sup>b</sup> *Reverum Liturgiarum lib. 1. cap. xxv. Patijus 1676.*

<sup>c</sup> Libro citat. in notis ad cap. viii.

<sup>d</sup> Lib. relat. cap. viii.

<sup>e</sup> De Liturgia Romani Pontificis Rom. 172.

<sup>f</sup> In Pontificali superius laudato.

<sup>g</sup> Vetuslitissimam Flabellorum originem vindicat Sebastianus Paulus in libro de Patena argentea Foracorneliensi S. Petri Chrysologi p. 78. & sequent. Neapoli 1745.

*tia animalia*, ne incidant in vasa <sup>a</sup>. Cui quidem dicto fidem facit, quod ea tempestate interdum pluribus uti Calicibus opus fuerit, sive Calice majori, & ansato ac scyphis minoribus, quo facilius a sacratissimis mysteriorum Dei dispensatoribus Christi sanguis plebi & laicis propinandus porrigeretur <sup>b</sup>. Flabellum equidem adhibitum altari, & gestatum a Diacono dum rem divinam operatur Rom. Episcopus aevo Agapeti I. Papae Moschus, seu Sophronius enarrat. Ab auctore Chronici Alexandrini inter sacram supellectilem numerantur pretiosa Muscaria, quae a Clericis relata traduntur in Sacrarium una cum discis, & Calicibus <sup>c</sup>. Quodque unum usu Graecis venerat, id apud latinos etiam receptum fuisse, testata omnino res est. Ceterum adhibita haec *πίπιδια* ne dum ad exigenda animalcula a Calicibus Altari inlatis, sed ad ea eliminanda a sacerdotibus sacra operaturis, argumento est pictura Codicis Barberinii <sup>d</sup>, quam extremae hujus libri pagellae adornandae buxo scalptam adjecimus; in qua praeter Acolythum, qui Presbytero Missae sacrum facienti orbiculari Flabello ventilat, notatione dignissima sunt Penulae forma, & Calix velo coopertus dum Sacerdos, quasi ingressus Sancta Sanctorum, cum Deo

<sup>a</sup> Similia reperies in Liturgiis S. Basilii, & Johannis Chrysostomi. Apostolicas vero Liturgias, omnes ad unam rejicere tamquam subditi-  
tias viros doctos compertum mihi est. V. *Riv-  
tum Critici sacri* lib. 1. cap. 111. & tom. 11. *o-  
perum Theologicorum*. Dapinium *Dissert.*  
*Fraeliminari ad Biblia* lib. 11. cap. vi. Ga-  
lielmm Cave in *Historia litteraria scriptor.*  
*Ecclesiasticor.* in Jacobo. *Ondum de scriptori-  
bus Eccles.* tom. 1. Ceillier. in *Hist. Generali*  
*Auctorum sacrorum* lib. 11. c. 1. art. 7. tom. 1.  
Nourry in *Apparatu ad Biblioth. maximam*.  
PP. Tom. 1. *Dissert.* 11. Ab hac tamen nota ex-  
cipiunt plerique Liturgiam Jacobi. *Allatius*  
*Ep. 2. ad Nibulum inserta Symmitis*. Bona  
R. L. lib. 1. Bellarmin. *Labbeus de scrip. Ec-  
cles.* in Jacobo, qui tamen fatentur multum lo-  
cupletatam ab extraneis scriptoribus. Ut ut sit,  
liber antiquissimis accensendus. Idem sentias de  
Constitutionibus, quae etsi Apostolis abjudican-  
dae, quarto Christi saeculo proditisse creduntur.

Adi Ceillier. *op. laudat.* tom. 111. c. xxxii.  
*Parif.* 1749. Sed his omnibus antepone saplen-  
tissimum, ac supra fidem eruditum BENEDI-  
CTUM XIV., cui in sacris Antiquitatibus nihil  
non perspectum exploratumque. *De Sacrificio*  
*Missae fest.* 1. cap. vii. §. 11. Patavii 1745.  
<sup>b</sup> De quo consule doctissimum juxta ae piissi-  
mum Teatinum Scriptorem F. Berlendis *de obla-  
tionibus ad Altare* §. v. pag. 143. *tertius edi-  
tionis Venetis* 1743.

<sup>c</sup> Praeter causas naturales, quibus veteres  
impellebantur Flabellis adhibendis, mysticas  
etiam complures recensent scriptores omnes,  
quos paullo ante commemoravimus.

<sup>d</sup> Codicem indicavit Simon Ballarinus Bi-  
bliothecae Barberinae Praefectus, vir doctissimus.  
Continet autem *colleclias*, & antiquas ad Deum  
precatlones in Synaxi recitandas. Fuit quondam  
Cardinalis Sanctuelli scriptus initio saeculi xiii.  
signatus num. 1238.

## (LXIII)

Deo secreto loquitur . Adhuc haec erant fortasse dicenda :  
quamobrem , nihil eorum , quae hoc uno in argumento con-  
cludi , atque comprehendi poterant , me arbitror praetermi-  
fisse .



EX COD. BIBLIOT. BARBERTI.

*EXPLICIT COMMENTARIUS.*

## A D P R O B A T I O

**D**issertationem R. P. &c. PACIAVDI CLERICI REG. TEATINI omnigena eruditione refertam DE VMBELLIS, ac de earum antiquitate, ingenio, usu attente perlegi iussus a Reverendissimo P. Sac. Palat. Magistro: neque aliquid a Fide, moribusve dissonum reperi sensu autem, quanti sit doctissimus Auctor, qui via parum adeo trita incedens, tam feliciter coeptum iter absolvit. Quamobrem Auctori gloriosam, maximeque acceptam eruditis futuram publica luce donandam censeo.

Ex meo Domicilio in Civitate Leonina x. Calendas Martias M. DCCLII.

*Cajetanus Cennius Vat. Basil. Beneficiatus.*

## ERRATA SIC CORRIGITO

*In Breviario Capitum*

Ирл. lin. 4	patritio	partitio
Cap. v. lin. 29	statutis	statuis
Cap. ix. lin. 26	Georgio	Sergio
Pag. ii. lin. 22	devictum	devinctum
Pag. i. l. not.	(d) pro (s) & (c) pro (b)	
Pag. vi. lin. 7	Bacco	Raccho
Ibidem lin. 25	inquilinerum	Inquilinorum
Pag. vii. lin. 20	Atque	atque
Ibidem lin. 29	liberalia	Liberalia
Pag. viii. lin. 6	consecrare	consecrari
Ibidem not. (c)	νυκτικατῶ	νυκτὶ κατὰ
Pag. ix. lin. 5	indicata	indicta
Ibidem lin. 9	deferbat	deferret
Pag. xii. lin. 20	advolat. Cupido	advolat Cupido
Pag. xiii. lin. 25	studebant	studebat
Pag. xxi. lin. 12	Miseriorum	Miseriorum
Ibidem lin. 26	regum	regnum
Pag. xxvii. lin. 10	ισπύω	ισπύω
Ibidem lin. 18	Σίπυρος	Σίπυρος
Pag. xxix. lin. 6	tradam	credam
Ibidem lin. 14	statutis	statuis
Pag. xxxvi. not. (1)	ἐποιε	ποιε
Pag. xl. lin. 1	comittere	committere
Pag. xli. lin. 18	ἀνυπύω	ἀνυπύω
Pag. xlviii. lin. 8	astruis	astruant
Pag. l. lin. 10.	versis colores	versicolores
Pag. lvi. not. 13	securi	secuti
Pag. lxx. lin. 17. 18	disputando faciunt	disputando, dubium faciunt
Ibidem not. (2)	ariolando	ariolando scribere.
Pag. lxxi. lin. 2	suscipiat	suspiciat

17 20 3489